



32101 068185857

3495  
.92  
.1849

Library of



Princeton University.





# Verzeichniß der Doctoren,

welche

2938

die philosophische Facultät

der

Königlich württembergischen Eberhard-Karls-Universität

in Tübingen

im Studienjahre 1848 bis 1849

ernannt hat,

nebst einer Probe

von

**Walther von Heinean Marienleben**

herausgegeben

von

**Heinrich Adelbert Keller,**

Magister der freien Künste, Doctor der Philosophie, ordentlichem öffentlichem Professor der germanischen und romantischen Literatur, Decan und Bibliothekar der philosophischen Facultät, Oberbibliothekar der Universität, Superaltenrath und erstem Verwalter der martiniſch-katholischen Stiftung, Ephorus des neuen Baus, Superaltenrath des hochmannſchen Stifts, Mitgliede der berliniſchen Geſellſchaft für deutſche Sprache und Alterthumskunde.



Tübingen,

gedruckt bei Ludwig Friedrich Neud.

1849.



Unter meinem Decanate hat die philosophische Facultät zu Doctoren der Philosophie und Magistrern der freien Künste ernannt:

- 26 Juni 1848 Wilhelm Auerbach, geboren 1826 zu Frankfurt a. M.;  
am gleichen Tage Heinrich Victor Michelant, geboren 8 Aug. 1811 zu  
Lüttich, Professor der auswärtigen Litteratur an der litterarischen Facultät  
in Rennes;
- 1 Sept. 1848 Heinrich Leibniz, geboren 13 Oct. 1812 in Stuttgart,  
Zeichnungslehrer der Universität;
- 25 Oct. 1848 Jesse Cato Daniel aus London;
- 25 Jan. 1849 Immanuel Gottlob Friederich Faist, geboren 13 Oct.  
1823 in Eßlingen, Candidaten der evangelischen Theologie;
- 7 Merz 1849 Karl Bücheler, geboren 15 Mai 1822 in Stuttgart, Can-  
didaten des Reallehramtes.
- 28 April 1849 honoris gratia Friederich Freiherrn von Reiffenberg, Ober-  
bibliothekar der k. Bibliothek in Brüssel, Viceconsul von Mexico, Comthur  
der Orden Karls des Katholischen und Philipps des Großmüthigen, Ritter  
des k. belgischen Leopoldordens, der Ehrenlegion, des Johanniterordens, der  
Eisenkrone, des Dannebrog, des rothen Adlers, des St. Silvesterordens,  
des Ordens St. Gregors des Großen, des k. portugiesischen Christusordens,  
der Orden vom Jähringer Löwen und Peters von Oldenburg, Mitglied der  
Akademien in Berlin, München, Wien, Brüssel, Madrid, Turin, Stock-  
holm, der Societät der Wissenschaften in Göttingen, des französischen In-  
stitut u. s. w.

An vorstehende Bekanntmachung knüpfte ich nach akademischer Sitte die Behandlung eines wissenschaftlichen Gegenstandes, die erstmalige Herausgabe einer Probe des mittelhochdeutschen Gedichtes über das Leben *Marigs* von Walther von Rheinau.

Die Handschrift, nach welcher ich es hier mittheile, gehört der königlichen öffentlichen Bibliothek in Stuttgart. Das Buch ist in Quart auf Papier von einer feinedrweg schönen Hand geschrieben, welche gegen die Mitte mehr und mehr nachlässig, ja wie es scheint der Arbeit überdrüssig wird. Auch die Sauberkeit und Gleichmäßigkeit nimmt ab: mehr und mehr werden kurze Reimzeilen zusammen auf eine Reihe gestellt, oder wohl drei Zeilen auf zwei Reihen vertheilt. Nicht immer ist mir wohl gelungen, hier die rechte Abtheilung zu treffen. Überschriften sind roth, ebenso Randbemerkungen, Anfangsbuchstaben der größeren Abschnitte und gegen den Schluß des Werks einige rothe Randzeichnungen, wie die Worte *Roas*, *Jakobs Leiter* u. dgl. Die Zeitbestimmung der Hs. ist im Schluß enthalten; sie ist vollendet 1388 und wahrscheinlich gleichzeitig eingebunden; auf der innern Seite des hintern Deckels ist ein Stück eines Pergamentblatts aufgeklebt, worauf eine deutsche Urkunde mit der Jahreszahl 1397 stand. Das Buch gehörte früher dem Consistorium und trägt jetzt die Signatur Cod. theol. A. 22, nicht 27, wie Mone sagt.

Eine etwas ältere aber unvollständige Hs. des Gedichtes, nicht später als 1369, befindet sich auf der großherzoglichen Hofbibliothek zu Karlsruhe, worüber F. J. Mone im Anzeiger 1836, 322—333 ausführlich berichtet.

Der gegenwärtige Abdruck giebt die Stuttgarter Hs., hoffe ich, getreu, nach einer von mir selbst besorgten Abschrift wieder. Zugefügt habe ich nur Unterscheidungszeichen, die Abkürzungen sind aufgelöst, die Halbvocale von den entsprechenden vollen Vocalen in der Schrift unterschieden, die Rängen in herkömmlicher Weise bezeichnet, den Eigennamen große Initialen verliehen. Sonst glaubte ich an dem Texte nichts ändern zu sollen. Die Ungleichmäßigkeit der Schreibung ist nicht eben groß und wird Kundige kaum stören.

Dem ursprünglichen Plane, hier das ganze Gedicht zu veröffentlichen, haben sich Hindernisse in den Weg gestellt, über welche anderwärts zu reden Gelegenheit sein wird. Habent sua fata libelli.

Schließlich habe ich noch Herrn Dr. W. L. Holland meinen Dank auszusprechen für manfache freundliche Unterstützung, welche er mir bei dieser Arbeit zugewendet hat.



[2]

Assit principio sancta Maria meo.

*Hie rähet an daz erste vorgewerbe  
dis buoches und wie der tichter  
bittet gelükes.*

- Sid lebender nieman  
Äne gottes gnäden kan  
Guotes sô beginnen  
Von sin selbes sinnen,  
Sô bitt ich dich, heiliger Crist,  
Der got und gottes kint ist  
Und dem aller gewalt vil eben  
Ist in dine hand gegeben  
Mit voller krefte werde  
In himel und uf erde  
Und in dem abgründen,  
Daz die mlnen sünden,  
Der vil uf mich ist geladen,  
Mir nicht zuo dinen gnäden schaden  
Mir nicht zuo dinen gnäden schaden  
Durch mines beginnen volleist,  
Daz dir mine sinne  
Sine gnåde besinne,  
Daz ich kleiner kunst knabe  
Dis werk, als ich gedächt habe,  
In tiutschen gedichte  
Mit rime alsô gerichte,  
Daz es dir, herre guoter,  
Und dinen lieben muoter,  
Der edlan magt Marian,

- Der kiuschen wandels frijen,  
Der tûben sunder gullen  
Müezze wol gevallen.  
Maria, frowe hère,  
Dir ze einer ère  
Dis buoches gedächt ist,  
Wan es uns seit, wannan dû bist,  
Von wem, von welhem künne,  
Aller engel wünne,  
Die edli maget ûserkorn  
Wurde an dise welt geborn,  
Und wie von gotte wart gegert  
Dines kiusches libes wert,  
Sime sunne ze einer amman,  
Dô in dine wamme  
Des engel gruos daz wort Âvê  
Beschlôs niun mânôde, nit mé.  
Von des selben wortes craft  
Du, maget, wurde behaft  
Und gebære den süessen Crist,  
Der got, din sun, din vatter ist,  
Und wie her nâch alles din leben  
Reinikêt waz ergeben,  
Frouwe, untz an din ende  
Sunder missewende,  
Und wie got dich êrte  
Und sinen fliss bekêrte  
In alle wise vil ebenne,  
An dich bi dinem lebenne,

Und wie manigvaltecklich  
Er erte nâch dinem tôde dich  
Dâ von dis buoch die wârheit  
Hie nâch von worte ze worte seil.

- 10 Swâ ich nu dise rime  
Nît wol ze samen lime  
An dis werkes beginne,  
Die schuld ist miner sinne  
Von der unvernunste  
15 Miner kranken kunste,  
Und bitte ich dâ von  
Bêde frowen und man,  
Die dis buoch hœrent ald lesend  
Und dâ bi der witze wesend,

- 20 Daz gedichte in ist bekant,  
Wannan und wie si ist genant,  
Daz ir kûnste viele  
Bestôzze und wiele  
Dis rûche gedichte,

- [34] Und fûege und richte  
Ûf ebenes getichtes stan,  
Swâ ich es nicht gerichten kan  
Wan ich es gerne tette,  
Ob ich die statte hette  
30 An kûnftigem sinne.  
Himels kûniginne,  
Sende mir die helfe din,  
Daz din lob diu zunge min  
Gespreche alsô, daz es dir  
35 Sige loblich und nûtze mir.  
Wie nu die meister sint genant,  
Die von Marien leben hânt  
Und von ir reinen kiuschkeit  
Hie nâch geschriben und geseit,  
40 Und wie es alles ir ergie,  
Daz wil ich lâssen wissen hie

Und wil, als ich beste kan,  
In gottes namen vâhen an.

*Hie vâhet an daz vorgewerbe des  
[buoches] von der mât Marien.*

Ain gewêrer lêrer hies alsus

- 45 Der heilig Epiphânus,  
Ertzbyschof ze Babilônje,  
Einer stat in Ciprie,  
Und Ignâcius der gewêre,  
Gottes martrêre,  
50 Der sant Johans junger waz,  
Sunes Zabedêus, als ich es lass,  
[4] Und einer waz genemmet sus  
Johannes Damascênus,  
Der alle sine wisheit  
Hât an die gotheit geleit.  
55 Ein teil ir zites vertriben,  
Daz si von dem lebene schriben.  
Der edlen mât Marien,  
Gottes muoter und amlen,  
Und von liebes schönheit  
60 Und von ir sêle clârheit.  
Und alsô die geschrift urkûnde git,  
Dâ wart vor unlanger zit  
Daz buoch in latine bekêrt  
Und êmals offenunge erwert.  
65 Und dâ von, süsses maget, wil ich  
Ûf dis buoch arbeiten mich  
Dir ze lobe und dinem kinde.  
Und ê daz ich erwinde,  
Sô wirt mit kurzen worten kunt  
70 Durch minen gebiurchen munt  
Aller der welt din wirdekeit.  
Nu bitte ich dich, vil süsses meit,

Und Jësum din vil liebes kint,  
 Daz ir mir genädig sint  
 15 Und von des tievels strikken  
 Mich ruochent entstriken.  
 Und du, gnädigoster Crist,  
 Wan du vollen gnäden bist,  
 [4b] Von sünden mich bekëre  
 20 Durch diner muoter ère  
 Der himelschen künigin,  
 Won ich wil manig wörtlin,  
 Daz iuwer in lobe mag gefromen,  
 Von dem êwangelio hân genomen.  
 25 Dyonisius der lèrère,  
 Der athénsche konzèlère,  
 Den man nemnet anderswâ  
 Aryopagits,  
 Der schribet, wie disem ellende  
 30 Gab ûnser frouwe ein ende.  
 Sant Juvenâlis, der dâ was  
 Bisenzer byschof und Cosmas  
 Und Théophylus der gewère  
 Und maniger ander lèrère  
 35 Hânt von der maget werdekeit  
 Vil geschriben und geseit.  
 Daz ich alles brâcht hân  
 Ze semen, sô ich best kan,  
 Der maget Marien ze lobe,  
 40 Der lob ist allem lobe obe,  
 Des mir der heilig geist  
 Hât gegeben volleist.  
 Swes muot zuo disem buoche stât,  
 Daz er zwivel dar an hât,  
 45 Ob es gewère sy oder nicht,  
 Der sol hûeten, daz in icht  
 [5] Sin wân alsô beloube,  
 Daz er nicht geloube;

Und dâ von ist nütze,  
 Daz man die rede beslâsse  
 5 Mit der lèrèr urkûnde.  
 Swer aber zwivel funde,  
 Dar umb sol ein wiser man  
 Dis red nicht für felsche hân,  
 Und bîtte ich die gelêrten sin,  
 10 Swaz si an dem bûechellin  
 Valsches eina vindin,  
 Daz si den wider winden  
 Und in zuo der wârheit stabin  
 Oder von dem buoche schaben,  
 15 Und dar nâch daz buoch alles gar,  
 Wan ich des minen nût stösse dar,  
 Daz mir ze sagenne tuge  
 Weder für wârheit ald für luge,  
 Won ich wol erziugen kan  
 20 Mit manigen heiligen man,  
 Die von Marien werdekeit  
 Hânt geschriben und geseit,  
 Daz wirt vol hie nicht gessagt,  
 Swie wol ich lobes gan der magt.

*Hie râhet an von dem lebenne der  
 gûntlichen und minneklichen meg  
 Jësu Cristes muoter Marien.*

[5b] Ze Galylën in der gegin  
 Was Nazaret ein stat gelegen,  
 In der ein man mit hûse sas,  
 Der geborn von Judëa was,  
 Von kûng Dâvides künne.  
 5 Sin kûngkeit waz nît tûnne,  
 Er lebte gegen gotte  
 Wol nâch der ê gebotte.  
 Von sinen kintlichen tagen

- Lies er im gottes dienst behagen  
35 Und diende ie flizzo  
Vor sündlichem itwize,  
Und vor der welt unmessekeit  
Waz er ze hüten sich bereit,  
Noch gestalte dort noch hie  
40 Nâch weltlicher êre nie,  
Noch gevolgete nie dem sitte  
Dirre unstatte welt mitte,  
Wan er sich sô behielt,  
Daz er sich enkeines lasters wielt.  
45 Jôachim sô was sin nam.  
Er und sin wip wâren glîcher scham  
Und gelicher heilikeit; -  
Gelîchi zucht waz in bereit.  
Swaz des einen willen waz,  
50 Daz ander wolt ouch gerne daz;  
Si dientent got enwider strit  
Mit reinen hertzen ze aller zit.  
Anna die frouwe was genant,  
Von Jûdas geslechte erkant  
[6] Und von Dâvides künne erkorn  
Des edeln kûnges ûserkorn.  
Von kinde dis vil sêlig wip  
Erbeite in gottes dienst ir lip.  
Ir hâtte ein unschuldig leben  
55 Ein reines herze gegeben.  
Ôf kiusche, ûf mitte stuond ir fliss,  
Si waz dêmüetig unde wis,  
Des lasters vicdinne  
Ôsserhalb und inne,  
60 Ir lip waz getlôse nie  
Und huote sich vor sünden ie.  
Gottes gebottes halterin  
Und ein rehti minnerin  
Waz si, bis ûf ir libes tôd,
- 15 Der ê, die Moyses gebôt.  
Ir mannes gesellschaft  
Durch fleischlicher wolluste craft  
Die frouwe begerte nie,  
Won sô die ê sis nicht erlie  
20 Ôf kinden gedingen,  
Daz si diu sôlte bringen,  
Daz si in gottes dienste zuge  
Mit allem flisse und muge.  
Und swez der man ze ir gerte,  
25 Durch got si ins gewerte  
Und bôt im zucht und êre  
Und er ir wider mêre.  
Gelîchi triuwe ir beider wielt,  
[6b] Ietweders triuwe an dem andern hielt,  
30 In gottes dienste wonten sy  
Einander beidiu sament bi.  
Si wâren einmüete sunder var  
Und fridebêre gar.  
Si minneten sich in widerstrit  
35 Mit gottes hulden alle zit.  
Got und den liuten wâren sy  
Lieb und si in dâ bi.  
Allermenlichen butten si sich  
In ir nœten sicherlich  
40 Ze helfe mit ir guote  
Ald mit erbusstem muote.  
Guotes hâtten si genuog,  
Ir lip tugende und êre truog  
Andern liuten verre vor;  
45 Armuot stuond vor ir tor.  
Ir guot lag, ob ich rechte spâhe,  
An âkkern wisen und anvâhe.  
Daz teilten si jêrlich  
In drye teile gelîch:  
50 Der gâbens einen armem diet,

Dem tempel der ander geriet.  
 Daz geschach nie denne durch daz,  
 Daz man got diene deste baz.  
 Den dritten teil den behielten si  
 55 Und lepton erbêrlich dâ bl.  
 Si lebten sament manigiu jâr,  
 [7] Daz nie die frouwe kint gebâr.  
 Ir lip was sünden mässen fri  
 Und wart verlâssen nie dâ bl.  
 Ze gotte stuond ir zuoversicht,  
 5 Als guoten liuten noch geschicht.  
 Nu kam es ze einem mâle dar,  
 Daz der liute ein michel schar  
 Ze Jhêrusalêm, als ich es vernam,  
 Ze tempel Salamônis kam  
 10 Und brâchte ir opfer dar,  
 Als si tâtên âlli jâr  
 Und gâben ir gâbe gotte  
 Nâch Moyses gebotte.  
 Ouch kam dar her Jôachim,  
 15 Sin opher brâcht er mit im  
 Und opherte es âf dem altar.  
 Dô daz der êwart Isachar  
 Ersach, er hiez in fürder stân  
 Und wider ûss dem tempel gân.  
 20 Er sprach: Got nit dîns ophers gert,  
 Keines ophers bislu wert,  
 Daz gotte genême kunno sin,  
 Won von dir kam nie kindeln,  
 Nie soltest dich hân angenommen,  
 25 Daz du ze dem tempel wêrist kumen,  
 Wan du wære verfluochet ie,  
 Daz lîplich frucht kam von dir nie.  
 [7b] Sus wart mit schame Jôachym  
 Vertriben ûs dem tempel hin.  
 30 Sin anlût wart von schame rôt,

Als im sin wênig muot gebôt.  
 Und dô gesach frouw Anne daz,  
 Daz sin anlût verwandelt waz,  
 Si markte an im ie sâ, daz er  
 35 Beswêrt was, und waz ir ger,  
 Daz er ir seite mêre,  
 Waz im beschêhen wære.  
 Daz seite er ir genôte dô.  
 Die frouwe wart mit im unf rô.  
 40 Von schame im daz hertze swein,  
 Mit leide fuor er wider hein,  
 Und weindent sêre beide  
 Von grimmem hertenleide;  
 Ze gotte kêrten si sich  
 45 Und bâten in vil minneklich,  
 Daz er durch sin erbarmhertzkeit  
 Ruochte wenden ir leit  
 Und in dâ bl benême gar  
 Den itewis, den Ysachar  
 50 Tet offentlich Jôachim,  
 Und er in gæbe ein kindelin.  
 Sô tæte er lieber herre wol.  
 Doch twang des itwissis dol  
 Jôachim den guoten man,  
 55 Daz er sich von den liuten dan  
 [8] Ze der wûeste wolte ziehen  
 Und ouch die liute fliêhen  
 Mit allem sinem flisse,  
 Daz er der itwisse  
 5 Über werden mûchte gar,  
 Die im zuo sprach Ysachar.  
 Er luot zuo im sin knechte  
 Und beval in vil rechte  
 Rinder ross schâf sunder twâl  
 10 Und ander sîn veho über al.  
 Von sime hûse er dô gie,

Wip und gesinde heiman lie,  
 Und iken gegen der wüeste dô.  
 Des waz frô Anna vil unfrô  
 15 Und weinte sêre, daz ir man  
 Sô trûrenklich schied von dan.  
 Jôachim daz sin gebett  
 Ze gotte flissenklichen tât  
 Und kestgote stetenlichen sich  
 20 Mit vasten und mit wachte sich.  
 Sin trinken gemässe waz  
 Und noch gemässer waz sin maz.  
 Er im selber gar genomen,  
 Swaz im ze gemacht mochte komen,  
 25 Er wêre hie, er wêre dort.  
 Âne weinen sprach er selten iemer wort.  
 Got ruofte er an mit flisse,  
 Daz er sin itwize,  
 [8<sup>b</sup>] Als siner dürfte zême,  
 30 Durch sin gaøde im benâme,  
 Ald aber an in sante den tût,  
 Der im benâme die nôt.  
 Dô sin knechte ersâhend daz,  
 Ir herre als gar beswêret waz,  
 35 Si trôsten in ze stunden,  
 Als si besten kunden.  
 Darumb er nît sin trûren lie,  
 Kieiner trôst an im vervie,  
 Er weinde und wuofte,  
 40 Ze gotte er als ê ruofte,  
 Daz er erberme hette sin,  
 Ald neme in von der welte hin.

*Daz die magt Maria Jôachim ge-  
 kûndet wart von dem engel Ra-  
 phahêl.*

Der vatter der erbermkeit  
 Wan er der ungetrôsten leit,

45 Die in herzen ruoffent an  
 Nît wil ungebûezet lân,  
 Der sante ze Jôachim  
 Raphahêlen den engel sin,  
 Daz er sôlte trôsten  
 50 Den leides unerlêsten,  
 Den getriuwen rechten man.  
 Und dô der engel zuo im bekan,  
 Er sprach: Got grûeze dich, Jôachim!  
 [9] Fride und frôude mit dir sin,  
 Des almehtigen gottes friunt!  
 Mit sêlden sô bistu beziunt  
 Der êwenklichen zuoversicht,  
 55 Dar an sô habe zwifel nicht!  
 Dis heilsam wort nim hin von mir,  
 Wan es sol alles trûren dir  
 Verkêren in frôde grôs,  
 Dines leides wirst du blôs:  
 60 Ein kint von dinem sâmen kumet,  
 Des urhab aller welte frumet,  
 Die frucht der êren es gebirt,  
 Dâvides rîche bestâtet wirt  
 Von im und geêret alli wip,  
 65 Sô rein sô sôlig wirt sin lip.  
 Dis guote sêlig kindelîn  
 Wirt heilig in der muoter sin  
 Und alles wandels frije,  
 Genant wirt es Maric,  
 70 Und wirt, als Ysaias saget,  
 Ein muoter und belibet maget  
 Und nâch der alten vatter sage  
 Mêret ir lop alle tage.  
 Umb dirre edeln megte leben  
 75 Wil ich dir urkûnde geben.  
 Der obreste der ist ir holt,  
 Mit flisse du si ziehen soll.

[9<sup>b</sup>] Si wirt von gottes gebotte  
 Geeigent dem höhen gotte  
 30 Die edel maget üserkorn  
 È si werde geborn,  
 Reines hertzen wirdet si  
 Und belibet massen fri,  
 Ein liecht sò wirdet disiu maget  
 35 Aller der welt, sò man saget.  
 Si wirt von gotte enphähende ein kint  
 Höhe über alle, die dir sint.  
 Das wirt nâch siner geluste  
 Sûgende von der megde bruste  
 40 Und beschetwende si  
 Des heiligen geistes craft dâ bl.  
 Und swenne siner muoter brüstelin  
 Etwenne wunt daz kindelin,  
 Du solt es nâch minem gebotte  
 45 Eiginen gotte,  
 Und swenne es siben jâr alt ist,  
 So soltu sunder alle frist  
 Antwürten daz mägëtin  
 Zem tempel Salomônis hin  
 50 Und bevelhen die vil zarten  
 Des tempels êwarten,  
 Daz si daz reine edel kint  
 Zuo den megden, die dâ sint  
 In gottes dienst, fûegen wellen  
 [10] Und zuo in gesellen,  
 Daz es spâte und fruo  
 Gottes dienst mit enander tuo.  
 Mannes begert si niemêr  
 5 Und belibet maget iemêr  
 Âne sîcke sünlicher tât.  
 Keinde sünde si niemêr begât.  
 Ein kint ir bevolhen wirt  
 Von gotte, daz si, maget, gobirt,

10 Dem elliu rich sunder wân  
 Müessen wesen undertân.  
 In himel, ûf erde, in helle  
 Ist im nit widerstelle.  
 Sin gewalt stât êwanklichen.  
 15 Aller gewalt müessen im entwichen.  
 Und dâ von, heiliger man,  
 Solt du hein ze hûse gân  
 Und solt trœsten din wip;  
 Und sag ir, daz ir sêlig lîp  
 20 Wirt geberend die maget,  
 Von der ich dir hân gesaget,  
 Die des heiligen geistes craft  
 Enphähende tuot und berhaft.  
 Dâ heime lept frô Anne  
 25 Trûrig nâch ir manne  
 Und beweinde dike, daz  
 Ir man ir alsô frömde waz  
 [10<sup>b</sup>] Und daz im als uneben gieng  
 Sin ding, swie er es anviong,  
 30 Und batt got aller täglich  
 Mit manigen trâhen stizenklich,  
 Daz er ir man trôste,  
 Und von trüren lôte,  
 Und ir leit bedêchte  
 35 Und ir ze hûse brêchte  
 Ir lieben man in kurzer frist,  
 Der leider ungetrœstet ist.  
 Alsus waz si eines tages hin  
 Gegangen in ein gârtelin  
 40 Durch gebett und anders nicht,  
 Und als si krût und gras sicht  
 Sô schône dur die erde âsgân  
 Und die boume geloubet stân  
 Und bringen mit genuchte  
 45 Maniger hande fruchte

Und durch kinde gewin  
 Si zweigen sach die fôgeln  
 Und nisten dâ bi,  
 Dô begunde siuften si  
 50 Und huob ôf ir ougen  
 Ze gotte sunder lougen  
 Und sprach: Almechtiger got,  
 Sit daz din wille und din gebot  
 Aller dinge waltet  
 55 Und richtet und behaltet  
 [11] Himel und erde gerûste  
 Nâch diner muotgelûste  
 Und beslûessest âlli ding  
 Bi wârem ordîne in einem ring,  
 6 In einem messe, in einer zal,  
 In gelichen wâgen ûberal,  
 Und hâst si gezieret wol  
 Als si din wisheit zieren sol,  
 Des himels firmament du hest  
 10 Wol erlûchtet und gegest  
 Mit sternen maniger hande,  
 Die uns sind ungenaude  
 Und hâst gefrôret âne wer  
 Diu ôf dem himel sint diu mîer,  
 15 Und ist mit in getemert wol  
 Der flurin luft, als er dâ sol.  
 An dem himel flurin  
 Hâst du mit dem gewalte din  
 Getân siben plânète erbant,  
 20 Die irresternen sint genant,  
 Daz si daz himelgerûste  
 Nicht nâch siner gelûste  
 Sô rolende lâssen umbegân,  
 Won daz si im widerstân.  
 25 Den siben irresternen, die  
 Vornun sint genemnet hie,

Louffent an ir gezelte  
 Den umbekreis der welte  
 [11b] Und gehillet doch ir irre  
 30 Dem himelschen geschierre.  
 Under den plânètes schar  
 Sint zwei liecht, die belûchtent gar  
 Allo die welt besunder  
 Oben beidi und under.  
 35 Vier element âne underbint  
 Von dir, herre, geschaffen sint  
 Und genatiuret hâst von in,  
 Swaz iender lebendig mag gesin.  
 Ein tiefes mer grôs und breit  
 40 Hâst du geschaffen und bereit,  
 Und hâst ôf sines abgrûndes phad  
 Alles daz ertrich gesatz.  
 Geschiuwe und merwunder  
 Und vischen vil besunder  
 45 Hâst du geschaffen dem mer.  
 Vehes und tiere ein michel her  
 Hâst du dem ertriche  
 Gegeben sunderliche,  
 Und ander leben geschaf  
 50 Hât geschaffen diu craft,  
 Die vogel in dem lufte  
 Mit frôlichem gûfte,  
 Als du hâst gelâssen in  
 Jugent ôf ir kindelin,  
 55 Und bringent fûr mit genucht  
 In ir zît ir libes frucht.  
 [12] Und die menschen, die din hant  
 Geschuof, du gebutte in zehant,  
 Daz si solten mêren sich  
 Und fûllen alles ertrich.  
 60 Ouch gît sin frucht die erde  
 Mit manigem krâte werde



Und an maniger hande holtz,  
 Daz frucht gilt edel und stoltz,  
 Iekliches in siner zilt,  
 10 Alles sunder widerstrite.  
 Wê, wê mir armem wibe,  
 Wê, wê minem libe!  
 Durch waz bin ich geborn,  
 Daz mich die gâbe hât verkorn,  
 15 Die die natûre bi ir zilt  
 Allen wachsmündigen gît  
 Vor aller berhafter geschâft  
 Bin ich alleine unberhaft  
 Und muos dâ von enphâhen  
 20 Dike der lûte smâhen.  
 Und dâ von, almechtiger got,  
 Lâs dich erbarmen diser spot!  
 Sit du der ungetrôsten bist  
 Trôster und in helfe gist,  
 25 Sô ruoche, herre, erbarme dich  
 Genâdenklich über mich  
 Und trêste nich ungetrôstes wip  
 Und mache berhaft mlnen lip  
 Und roube mich alleine nicht  
 [12<sup>b</sup>] Des guotes, sô die natûre gilt  
 Aller crêâtûre!  
 Tuo mir dine gnâde stiure  
 Und frôwe min vil swêre leben  
 Und ruoche frucht minem libe geben!

*Daz die magt Maria gekündet wart  
 frô Annan ir muoter von dem engel  
 Raphahêl.*

35 Dô frôw Anne zo gotte tet  
 Als flissecklichen ir gebett,  
 Dô tet got, als ie tet,

Und erhôrt ir gebett  
 Und sante zuo ir ze hant  
 40 Den engel, Raphahêl genant.  
 Der sprach zuo ir: Got sendet mich  
 Zuo dir, daz ich grêuze dich  
 Und dich trêste und dir sage,  
 Daz er wil wenden din clage.  
 45 Dîn gebet er erhêret hât.  
 Dîn angest schiere zergât.  
 Du wirst enphâhen ein kindelin  
 Von Jôachym dem wirtu din,  
 Mit dem dich got ergetzen wil,  
 50 Unde bringen an ein zil  
 Alles daz ungemach,  
 Daz dime herzen ie geschach.  
 Die frucht, die din lip gebirt,  
 Verkêrent in ein frôude wirt  
 55 Dîn leit, und wirt von im erlöst  
 [13] Israhêl, und wirt getrôst  
 Von dem selben kindelin  
 Gar alle daz künne din.  
 Dis selbe sêuze reine kint  
 5 Wirt hôhe über alle, die dir sint.  
 Es wart ein tûchterlin bekant  
 Und wirt Marjâ genant.  
 Ein niuwes leben und ein ê,  
 Die vor im nie wurden mê,  
 10 Anvâhenden wirt daz frôwelîn.  
 Dâvides rich dez vatter sîn,  
 Daz lange ist gelegen nider,  
 Wirt es bringende wider  
 Und wirt aller der welle gar  
 15 Und des himels engelschar  
 Frouwe und ein behalterin  
 Und wirt ein gebêrerin  
 Nâch volles lobes werde

- Des herren himels und erde,  
 30 Und wirt mit im ewenckliche  
 Richsende in himelriche.  
 Und dā von, sēlig frowe guot,  
 Lā trüren und hab hōlen muot  
 Und geloube miner sage,  
 35 Din man kumpt an dem dritten tage  
 Und wirt din trüren und din leit  
 Von im gerlich hin geleit.  
 Und dō der engel dis gesprach,  
 Die frowe sin nit mēre sach.  
 36 Und als es sich ir gezō,  
 [13 b] Si wart des engelstrōstes frō,  
 Wan ir kam nāch siner sage  
 Ir man an dem dritten tage,  
 Und von ir wechselangesicht  
 35 Wart ir bereit leit ein wiht.  
 Dō die frowe ir man gesach,  
 Sō gar verswant ir ungemach,  
 Daz si leide nie gesaz,  
 Ir wēre dō ze muote baz.  
 40 Recht alsam geschach dem man,  
 Dō er gesach die frowen An.  
 Sie begunden ir leit tēsen  
 Mit süessen wechselkresen.  
 Her under seite Jōachim  
 45 Frouw Annan dem wibe sin,  
 Wie er dō in der wüeste waz  
 Und leit gegen leide maz  
 Und got von himelriche  
 Anruofte andēchteliche,  
 50 Daz er benāem im sin nōt  
 Ald aber sante an in den tōt.  
 Dō wart der engel sō zchant,  
 Sprach Jōachim, zuo mir gesant,  
 Er trōste mich unde sprach:  
 55 Du solt lān din ungemach!  
 Liebi mēre bring ich dir,  
 Diu solt du nāmen von mir.  
 Von dir wirt die hūsrouwe din  
 Enphāhēde ein juncfrōwēlin.  
 [14] Und seit mir dā bi vil eben  
 Des kinde namen und sin leben  
 Und daz es nammenklichen  
 Grōz wurde ūf ertriche  
 5 Und ein bluom aller wiben,  
 Und sōlte maget beliben  
 Und dā bi muoter werden  
 Des herren himels und erden,  
 Und dis geloubende bin ich  
 10 Ze trōstenne herkommen dich.  
 Frouw Anna im antwūrte dō  
 Und sprach: Dines trōstes bin ich frō  
 Und dingē ūf gottes erbermberkeit,  
 Daz si verendet unser leit,  
 15 Wan der engel kam zuo mir  
 Ze glīcher wis, als ouch zuo dir,  
 Und sach in sunder lougen  
 Under sine ougen,  
 Und sprach gütlich wider mich:  
 20 Din ungemach sol enden sich.  
 Und waz dā bi ze mir sin sage,  
 Du kēmist an dem dritten tage  
 Und wēre ouch denne die stundenkumen,  
 Daz uns wurde unser leit benomen.  
 25 Ouch seitū mir der engel mēr,  
 Ich sōlt ein tochter alsō hēr  
 Enphāhen von dem lībe dīn,  
 Diu solte werden künigin  
 Der himelschen gezelte  
 30 Und aller dirre welte,  
 [14 b] Und wil si got der ēren weren,

Daz si sol sin sun geberen.  
 Ouch sô seit er mir mê,  
 Daz si die gesetzde de è  
 35 Von der gnâde, sô ir wirt gegeben,  
 Bringet si in ein kiusches leben;  
 Und unsers vatters riche  
 Dâvides sicherliche,  
 Daz lang ist gelegen nider,  
 40 Wirt si bringen wider,  
 Und dar zuo menschlichen val  
 Wirdet si büetzende über al,  
 Und wirt belibende maget,  
 Als mir der engel hât gesaget,  
 45 Und belibet sünden mässen fri  
 Und wirt beschetwende si  
 Des heiligen geistes craft,  
 Von der si wirt verhaft.  
 Dô dis erhôrte Jôachim,  
 50 Ein fröude huob sich under in  
 Und lopten got vil sêre  
 Der unmæssigen ère,  
 Sô in got füegen wolte  
 Und geschâhen sollte,  
 55 Noch hätten keinen zwivel dran,  
 Es sollte alle wis ergân  
 Umb die reinen süessen maget,  
 Als hie vornen ist gesaget.  
 [15] *Von der enphangnüste der ed-  
 len magt sant Marien und von dem  
 ingusse ir heiligen sêle.*

Nâch unlanges zites vart  
 Frouw Anne eines Kindes swanger wart,  
 Dâ vôn ir und ir man alsam  
 Grôzi frôudi bekan,  
 5 Und lopten got siner milteteit,

Daz ir nôt waz hin geleit.  
 Und dô in der muoter sin  
 Diu natûre daz kindelin  
 Nâch mensches bilden vollen  
 10 Schöne hât bewollen  
 Und geordent für und wider  
 Ze vollen wunsche sinu lider  
 Und genatûret verro bas,  
 Denn ie menschliches vas,  
 15 Dô gôs got dem kindelin  
 Die heiligosten sêle in  
 Und begôs si ungezalt  
 Mit gnâden menigvalt  
 Und gesellete dâ bi  
 20 Dem reinesten libe si,  
 Und gab ir besunder  
 Richer gâbe wunder  
 Und zierte si sêre  
 Mit naturlicher ère.  
 25 Dar zuo gab er ir ânc zil  
 Liplicher schâni vil.  
 [15<sup>b</sup>] Dis sêle gotz almechtikeit  
 Geschuof mit siner wisheit,  
 Dem libe er si schepfende ingôs.  
 30 Ingiosende er die sêle gôs.

*Daz die magt Maria in ir muoter  
 libe geheiligot wart und von dem  
 heiligen geist von der erbsünde und  
 dem gelust aller sünde gereint  
 wart.*

Dô von der reine sêle zart  
 Der kleine lip lebendig wart,  
 Der hêlig geist zuo im bekan  
 Und luterete in gar und benam  
 35 Bekôrung in unreinikeit

Und der erbsünde leit  
Und fürbete sinu brüste  
Vor fleischlicher gelüste.  
Der heilig geist, als im gezam,

- 40 In disem libe ruowe nam,  
Als er an im vil wol schin  
Mit sibenvalter gnäden sin.  
Dar zuô sâte er vil gar  
Alle geistlich gâbe dar  
45 Und zierte in dâ bi sêre  
Mit natürlicher êre.  
Und dô dis âserwelte vas  
Dannoht in siner muoter waz,  
Im gab natûre und ouch der geist  
50 Schöner wachsmunde volleist.

[16] *Von der gebürt Marien.*

- Dô diu einen ende nam,  
Daz frou Annen stunden kam,  
Daz si solte gebern,  
Dô ruochte eins kindes got si gewern,  
5 Umb daz sêlde alsô stât,  
Daz all die welt sin sêlde hât.  
Dis selbe reine kindelin  
Geborn wart ein lœchterlin,  
Als der engel von der maget  
10 Ir vatter hâtte vor gesaget,  
Des vatter unde muoter dô  
Geilhalfter frôuden wurden frô,  
Und wurden beidi des in ein,  
Daz hôhes lob wart von in zwein  
15 Mit herzen, munde, zungen  
Dem hôhe gotte gesungen.

*Dis lob macht Jôachim sant Marien  
vatter, dô si geborn wart.*

Marien vatter Jôachim,  
Dô er gesach sin kindelin

Als rechte wunneklich getân,

- 10 Dis lop iesâ vieng er an  
Und von sinem herczen ger:  
Himels und erde schepfer,  
Gesegnoter got und herre min,  
Des himels fürstentuon ist din,  
(16<sup>b</sup>) Und hât mit voller mæchte kraft  
Aller der welte herschaft.  
Gesegenter herre und got,  
Nâch dines gewaltes gebot  
Haltent und richtent cristenlich  
50 Sunnen mâne und sterne sich.  
Himel und der luft alsô  
Stânt mit dem firmamentô.  
Berge mer und âlliu fluot  
Und ertrichs phûndmunt, daz tuot  
35 Dar nâch, als du in hât gezilt,  
Dinen willen, swie dâ wilt.  
Gesegneter schepher, din kraft  
Mit wunderlicher meisterschaft  
Hât aller crêatûre gegeben  
40 Ir natûre und ir leben.  
Gesegenter got, der ein pfut  
Der natûr eingesetz hât,  
Daz icklich ding nâch siner fromen  
Und dem andern ist bekomen.  
45 Gesegenter got êwenklich,  
Der der selben gâbe mich  
Verrer hât und bas gewert,  
Denne ich hab an dich gegert.  
Dis kindelin wirt ein trôst  
50 Der Âbrêischen, und wirt erlöst  
Von im die êwig heinwist,  
Diu der behaltenen ist.  
Gesegenter herre unde got,  
Ein einig trœster in dir nôt,

- [17] Ein vatter und ein helfere  
In kumberlicher swære!

*Dis lob ist frô Annen, daz si macht  
an ir tochter geburt.*

- F**rouw Anne ze gelicher wis  
Leite an gotte iren flis  
5 Mit frœlichem muote.  
Alsus vieng an die guote:  
Ich sag dir lob und ere,  
Got und schöpfere  
Himels erde und der mer  
10 Und aller der welte behalter!  
Ich lop dich, won du guot bist,  
Und mitte ic bi dir waz und ist,  
Und daz du an die menscheit  
Hâst vatterlichen tröst geleit.  
15 Ich lop dich, lieber herre min,  
Daz du nâch dem bilde din  
Den menschen geschûeft alleine  
Und im ein sêle reine  
Des lebennes in gusse,  
20 Und diner gûeti flusse  
Von dem menschen âlli diet  
Sich ze mœrenne geriet.  
Ich loben dich, got, von rechte,  
Daz du unser geslechte  
25 Vor aller diet hâst ûs erwelt  
Und dir ein liecht von im bezelt.  
Umbe daz liecht es alsô stât,  
Daz es die welt erliuchtet hât.  
[17<sup>b</sup>] Dis hecht daz ist min kindelin,  
30 Des heilikeit ist worden schin,  
Als du mir hâtlost kunt getân,  
Und nu stete hâst gelân.  
Dis kint daz wirdet sunderbâr

- Erhœbet über alle welte gar,  
35 Und wirt ze dienen dir bereit  
Mit reines hertzen stetekeit.  
Und dâ von, lieber herre min,  
Sol dir min dienst bereitet sin,  
Und wil mich in dinem namen  
40 Aller trôrkeit schamen.  
Dô frô Anna ir kint gebar,  
Friunde und mäge kâmen dar  
Zuo in und zuo Jôachim,  
Und frôwlen si mit in,  
45 Daz got gebessert hât ir leben  
Und in ein schœnes kint gegeben.  
Si namden es Maria,  
Als si die prophecia  
Des engels Raphahêles lies,  
50 Dô er in daz kint gebies.

*Von den zeichen, die geschâhen,  
dô die magt Maria geborn wart.*

- D**es tages, dô geborn wart  
Daz kint Maria alsô zart,  
Dô wart der sun, daz ist wâr,  
Zwivalentklichen alsô klâr,  
55 Als er dâ vor gesehen waz.  
Diu geburt Marien meinde daz.  
[18] Ouch wart vil nâch der mâne  
Alsô wol getâne,  
Sam des liechten sunnen schin.  
Zergangen waz daz wûlkelin,  
60 Dô man in dem mâne sicht,  
Daz man sin sach ein wile nicht.  
Der stunde, dô die reini magt  
Geborn, als man uns sêgt,  
Der mâne gab vil liechten schin.

- 10 Umb ein kleines schibelin  
Lüchte er als ein lucerne  
Und als ein liechter sterne.

*Daz die friund brächten daz kint  
Marien ze Jêrusalêm.*

- Die friund nâch zwîrent fierzig tagen  
Brächten, als ich hôrte sagen,  
15 Ze Jêrusalêm daz kindelin,  
Mit im ein jârig lembelin,  
Und opherten ze dem tempel daz,  
Als von der ð gebotten waz,  
Und eigentes dâ mitte  
20 Gotte nâch ir sitte.  
Ouch brächten für die sünde st  
Aldar ein turteltiubeli  
Und opherten es gotte  
Nâch Moyses gebotte.  
30 Und dis opher waz getân,  
Als ich vor gesaget hân.  
Die friund daz kind alsô reine  
Fuorten frelich wider heine,  
[18<sup>b</sup>] Und zugen es mit flisse gar  
40 In gottes liebi sunderbâr.  
Daz edel reine künne  
Soug keiner ammen spünne,  
Wan daz es die muoter sin  
Wante an ir selber brüsteln,  
55 Noch wolte des nit vergessen,  
Si gab im selber ze essen.  
Die gesegneten frucht die reinen  
Hôrte man selten weinen,  
Noch alsô diu kint gebâren,  
60 Die sinen alters wâren,  
Mit unruowe keiner slachte,

- Daz vatter oder muoter wachte.  
Sô senfte waz die zarte,  
Daz nieman si beswârte,  
45 Und als gelimpflicher sitte,  
Daz nieman wart betrüebet dâ mitte.  
Och waz daz kint sô reine,  
Daz man grôß noch kleine  
Flekken an sinen tuochen vant,  
50 Sô man es ôf huob ald bewant,  
Noch, swenne es in die wage kam,  
Als, sô man es ôf von dannan nam.  
Es waz recht eben schæne  
Und wart niemer hæne.  
60 Bi dirre selber reinkeit,  
Als hie vornen ist geseit,  
Beleib daz kint nâch gewâren sage,  
Untz es bekam ze sinen tagen.

[19] *Dô daz kint Maria entwennet  
wart und ze Jêrusalêm brâcht  
wart mit ophere.*

- Dô die maget alsô zart  
Ir muoter Brust entwennet wart  
5 Und driujârig waz dâ bi,  
Ir vatter und ir muoter si  
Dar nâch, als si es gedâchten  
Ze Jêrusalêm dô brächten  
Und ir opher mit in  
10 Und gâben es für daz kindelîn.  
Und dô wâren die frowen  
Ze dem tempel Salomônîs komen,  
Dâ man ôf fünfzehn seigel gie,  
Daz kint sich von der muoter lie  
15 Und krôch ôf die græte,  
Daz es nieman hêtte  
Noch im ze hille nieman kan.

Nu merkend wunder hie an,  
 Daz ein kint von den jären  
 10 Kunde alsô gebären,  
 Alder mechte sin der fromen,  
 Daz es die grête ûf mechte komen,  
 Wan daz got besunder  
 Tet an im diz wunder.  
 15 Und duo frô Anna und Jôachim  
 Kâmen in den tempel hin  
 Und ir kint ze gotte bugen  
 Und her für ir opher zugen,  
 [19<sup>b</sup>] Daz kindelin leit ouch sin hand  
 20 An daz opher sâ ze hand  
 Und bôt es mit dem vatter sin  
 Und mit siner muoter hin  
 Uf den heiligen altar  
 Und neig ouch mit in dar  
 25 Dem geliche vil eben,  
 Als es sich gotte wolte geben.  
 Und alle, die dis sâhen,  
 Erschrâken und sprâchen,  
 Daz got mit dem kindelin  
 30 In der fürtrachtunge sin  
 Hette wonders gedâcht,  
 Daz künfleklich wurde volbrâcht  
 Nâch dis vorbildez lère,  
 Es wurde ein vass der êre.  
 35 Des tempels êwarten  
 Nam wunder, daz die zarten  
 Geêret hât got alsô,  
 Und wurden mit den friunden frô  
 Und lopten alle geliche  
 40 Mit inen got flisseckliche,  
 Daz er si hât gewert  
 Baz, denne si hâten begert,  
 Einer sô sêliger frucht,

Die êre kunde und alle zucht,  
 35 Und gebueten inen allen dâ bi,  
 Daz si daz selbe kindeli,  
 [20<sup>a</sup>] Swenne es erfult siiben jâr,  
 Mit ir brâchte wider dar  
 Und es bevelhen ir gewalt  
 Daz es gespiin wurde bezalt  
 35 Ein alsô reines süsses kint  
 Den jungen megten, die dâ sint  
 Ze des tempels dienste getân  
 Und dâ dienten alles an.  
 Dar nâch, als in ist ûf geleit,  
 40 Mit williger diemûetkeit  
 Des tempels achte nemment si  
 Und der liechter dâ bi.  
 Der altar nemment si war  
 Und aller ir gezierde gar.  
 45 Dennocht diennot si baz.  
 Si reinent ouch ir ophervaz.  
 Sus hiessen die êwarten  
 Die odel maget die zarten,  
 An der nie sünden mässe schein,  
 50 Ir friunde fuoren wider hein  
 Und lopten in, daz si daz kint,  
 Sô siiben jâr hin komen sint,  
 Dien megten wôlten fûegen zao,  
 Die dâ spâte und fruo  
 55 Mit flisse dienten gotte,  
 Als sis hânt von gebotte.  
 Mit disem trôste Jôachim  
 Und Anna die hûsfrouwe sin  
 Fuorten ir kind mit frôuden hein.  
 [20<sup>b</sup>] Ze Nazareth nie kint dekein  
 Wart sô sêlig mô gesehen,  
 Des elliu diet im muoste jehen.  
 Dis edlen kindelin sô zart

Von vatter und von muoter wart  
35 Mit allem lisse erzogen wol  
Und zucht gelêret, als man sol.  
Guote geberde und reines sitte,  
Tugent und scham dâ mitte  
Lêrten si es behalten  
40 Und rechter kiusche walten.  
Guoter liute friuntschaft  
Mit frœliches geistes craft  
Lêrte si hân dis kindelin  
Und trûrekeit frônide sin.  
50 Dirren wilden welte  
Sûnder ruowe melde  
Vor allen die maît  
Lêrte man behalten kiuschkeit,  
Dar zuo gedulte und dêmuot;  
60 Diu wêre ir nûz und guot.  
Gottes und der menschen minne  
Solde ir gân ze sinne.  
Si solde ir werke wesen recht  
Und dâ bi der worten slecht  
75 Den alten liuten solte si  
Êre bieten und ouch dâ bi  
Gemêsse liebi der jugent;  
Daz zolte man ze einer tugent.  
Ouch lêrten si dis kindelin,  
[21] Daz es erbarmherzig sôlte sin  
Und ouch sôlte erbarmen  
Über alle diu armen  
Und mit siner helfe sterken  
85 Worten und werken,  
Und senfte sitte walden  
Und reiniu zucht behalden,  
Und nâch der lêre der wisagen  
Solte si alle ir leben tragen.  
90 Dis edel vas der êre

Vatter und muoter lêre  
Enphieng si zûchtenklêche.  
.....  
Dis kint waz unsichtig nicht  
15 Noch hœne, als man vil kinden sieht.  
Es huote sich vor uppikeit.  
Sin altes hertze im waz geleit  
In sin kintlichen brust;  
Und tugentlicher âkust  
20 Waz dis reini kindelî  
An allen sinen werken fri.  
Im wonte wider kinde sitte  
Geswigheit und ruowe mitte,  
Und waz hie bi nâch prise  
25 Bescheiden unde wise.

*Daz die magt Maria, dô si siben-  
jûrig wart, geantwûrt wart in den  
tempel.*

Dô die maget alsô zart  
Maria sibenjûrig wart,  
Ir friunde cleiten si ze hant  
In edel und in rein gewant,  
[21<sup>b</sup>] Sô si es beste machten hân,  
Und fuorten si hin dan  
Ze Jêrusalêm wan in die stat,  
Als man gebôt unde bat,  
Und antwîrten die zarten  
35 Des tempels êwarten.

*Von den megden, die wonhaft  
wâren bi Salomônîs tempel, ze den  
Maria gesellet wart.*

Dô die maget alsô zart  
Den êwarten geantwûrt wart,  
Si gesellent si sâ



Zuo den megten, die dā  
 40 Dem tempel wārent diensthaft  
 . . . . .  
 Und hielten ir kiuscheit,  
 Als es in waz āf geleit.  
 Die Juden durch ir triuwe  
 45 Einen siltē niuwe  
 Gotte ze ēran sunder wān  
 Und den tempel viengen an  
 Und bāten hirsēlā  
 Dem tempel Salomōnis bi,  
 50 Dā megde siltē inne sin,  
 Die umb man nīt wissētin,  
 Von höhēm künne ūs erkorn  
 Ald von den ēwarten geborn,  
 Die des tempels alwege  
 55 Hetten sunderbāre pflāge,  
 Und ir dienst erscheinēdin  
 Und furbtin und reindin  
 Frūge und spāte  
 Von alēm dem unflāte,  
 [22] Sō indar dar inne waz,  
 Und gehielten ouch die ophervass  
 Und reindon si, sō man  
 Ir bedorffe oder solte hān,  
 5 Dar zuo wuosen si die wāt,  
 Die man ze gottes dienste hāt,  
 Und nāten mit ir selber hant  
 Der altar hōchzitlieb gewant,  
 Die edlen tuoch der altar  
 10 Bereiten si gar ālli dar  
 Und zierten si dā mītte  
 Nāch der hōchzite gesiltē,  
 Bisse unde pheller guot  
 Wurchten die megde rēin gemuot  
 15 Und nāten menigen umbhang

Und edel tuoch brēt und lang,  
 Mit siden und mit golde wol  
 Durchvieret, als man tuon sol  
 Die koste gāben alle dar  
 30 Des tempels ēwarten vil gar,  
 Ouch gāben si im ze prise  
 Gewant und ouch spise.  
 Die edlen maget jungen  
 Ze lobe gotte sunge  
 35 Menigen edlen süessen sang,  
 Der wol von ir inuade elang.  
 Dis waz ir ampt elliu zit  
 Einmüetenklich doch wider strit,  
 Ald aber dēmüetig gebet,  
 40 Des vil ir reinen herzen tet  
 Mit manigvaller betrachte  
 [22 b] In süesses geistes achte,  
 Von der ir hertzen frōude kam,  
 Diu got wolt und in gezam.  
 45 Und swenne ir hantlich erebeit  
 Wart von den megden hin geleit,  
 Sō waz nīt anders ir ombacht,  
 Swenne echt si lie des slāffes maht,  
 Wan daz si alle stunde  
 50 Mit hertzen und mit munde  
 Und mit der stimme dar zuo  
 Got lopten spāt und fruo.  
 Alsus vertriben si die zit  
 Sunder hass und sunder nīt,  
 55 Bis si wurden manebare,  
 Und sweli dannē mære  
 Für daz nīt wolde dō bestān,  
 Die sol dem geben einem man  
 Die priester, die dā wāren  
 60 Pflāger bi den jāren,  
 Und sol in denne ein sture geben

Van dem tempel vil eben;  
Und swelc man der megden zart  
Eini ze der é gegeben wart,  
55 Der fröwte sich ir gar sere,  
Wan er hätte ir ere.

Bi den selben megden dā  
Wont die maget Marjā  
Und gelichte sich inmitten  
60 In manigen heimlichen sitten  
Und waz in vil geminne  
Mit werken und mit sinne

[23] Und lerne von in,  
Swaz wibes frome möchte sin.  
Als edeles sinnes waz die meit,  
Swaz ir werkes wart für geleit,

5 Es wère biss, pheller, slde,  
Das lerne die plide  
Nāch ir sinne die vollen.  
Von flache und von wollen,  
Sō vil sich der underwant,

10 Die kunde si genuoge ze hant;  
Als rechte verrichten sin  
Hätte das edel megetin.  
Dar zuo waz si alles an  
Flissig und sorgsam.

15 Wāben, nāgen, spinnen  
Siden mit golde zinnen  
Die edel maget drāte  
Wol gelernet hätte.  
Als guotes sinnes sō waz si

20 Und aller hertkeite fri.  
Dis sēlig rein jungfrōwelin  
Aller der heiligen schriftē sin  
Kunde si bi kurzen tagen,  
Es wère die lere der wissagen,  
25 Alder Moysesens é.

Wā wart ic daz nomen mē,  
Daz si die geschrift, als man si sol,  
Kunde entstan und lesen wol  
In einer alsō kurzer frist,

30 Als hie vor gesaget ist?

[25b] Diu buoch her Salomōnis,  
Der richter und des thrōnes  
Buoch die kunde si zehant  
Und daz der salter ist genant,  
35 Der kempfer buoch und frou Hestēr  
Und Judith buoch der frowen hēr  
Und des wissagen Esdres  
Und daz buoch Tobies  
Lernte die edel meit

40 Maria bi der kintheit  
Und behielt si in der inne  
In reinem hertzensinne.  
Swaz die alte é waz genant,  
Die buoch ir wāren wol bekant,

45 Sō daz si kunt wol entstan,  
Swes man si von in anbekan  
Allen diemütigen sin,  
Dā hōchvart ist gemenget in  
Und bezeichnenliche kunst

50 Bekande ir sittelich vernunft.  
Dā bi ze gotte sluont ir sin  
Und zuo der heiligen schriftē hin.  
Ir waz die heilig geschrift erkant  
Und swaz zuo der wisheit waz genant,

55 Die hōrt zuo dem himelriche,  
Der gerte die sēlden riche  
Die kiusche, wandels frie,  
Die edel maget Marie.

[21] *Daz die magt Maria tugent-  
hafter waz, denne ander ir gespilen.*

Maria, die jungfrouwe klug,

Ein zil vor ir gespiln truog  
 Mit senfukeit und mit demuot,  
 Als daz liecht der vinster tuot  
 5 Und als der nacht der sterne,  
 Als waz si ein lucerne  
 Wider ander ir gespiln,  
 Und als den sternen kan zila  
 Mit schone ein volle mane,  
 10 Als schein die wol getane  
 Für ir gespiln, als man sagt,  
 Mit tugenden die reini magt,  
 Und als die sunne mangan tag  
 Mit ir schin erluchten mag,  
 15 Recht als erluchte Marie  
 Der megde mannessie.  
 Sô schône der rôse ist für den torn,  
 Alsô waz die maget ûs erkorn  
 An gnâden vollekomen  
 20 Und an tugentlichen kumen,  
 Und als der lylje alle bluot  
 Under mit schone tuot,  
 Alsô waz Marjâ mit ir lobe  
 Ir gespiln allen obe.  
 25 Si waz demuote und wis,  
 Bescheiden gar in alle wis  
 {24b} Gehôrsam und minneklich  
 Milt und senfter sîtte rich,  
 Vernunstig und zûchtig gar  
 30 Und gezieret mit allen tugenden schar.  
 Gûtlich und gespræche  
 Waz si sunder wæhe,  
 Begirlich und betrechtig  
 Und alles lobes mechtig.  
 35 Erbernde noch milte  
 Die maget nie bevillte  
 Und swaz flissende sich

Gottes lobes stêteklich.  
 Einvalt waz si und kiusche  
 40 Ein viendi der tiusche.  
 Guoter gebêrd sô waz si  
 Und tugenthaf dâ bl.  
 Aller gnâden si waz  
 Ein edel ûs erweltes vaz.  
 45 Si dûchte under ir gespiln sich  
 Die aller minste sicherlich  
 Und bôt ieglicher sunder  
 Êren und dienstes wunder  
 Und schafte des dienstes solt,  
 50 Daz si ir alle wâren holt.  
 Swaz aber si ir dienste nam,  
 Mit widerdienste sio es verkam,  
 Alsô daz si betalle  
 Ir gnâdig wâren alle  
 55 Und alle recht holt dâ bi,  
 {25} Daz si mit hôhem lobe sâ  
 Hôchten ze allen stunden,  
 Swâ si iender kunden  
 Und êretan si vil sêre  
 60 Mit forchtenklicher êre.

*Wie die magt Maria gestellet an  
 dem lîbe waz und von ir unmeßi-  
 gen schôni, die si hâtte.*

Als der edel got die magt,  
 Von der hie vor ist gesagt,  
 Mit tugenden gezieret hât  
 Und gekleidet in der zûchte wâl,  
 10 Alsô hâtte si mit hûbscheit  
 Die natûre bekleit  
 Und ir lip sô wol gestalt,  
 Daz zuo im nit waz gezalt.

Er waz hurte lussam  
 15 Und ir anlüt alsam.  
 Ein wunderlîchi schönheit  
 An si beidi waz geleit.  
 Ir lip ir rechter mässe waz,  
 Als im gab die natûre daz,  
 20 Weder ze kurtz, noch ze lang,  
 Noch ze grôs, noch ze krank,  
 Dar zuo wâren ir lîbes lîder  
 Bêdiu für unde wider  
 Nâch rechter mässe vollen  
 25 Ze wânse bewollen.  
 Ir vel waz lûter unde clâr  
 Und dâ bi schône kernvar,  
 Rechte als milch unde bluot,  
 Sô man zesamen tuot.  
 [25 b] Ire ougen wâren lûter, clâr,  
 Hûbsch und frêlich unde gar  
 Einer lûterlichen angesicht  
 Einvalt unde frêlich gericht,  
 Ze tief si wâren, noch ze hôch.  
 30 Alle gebresten si flôch.  
 Ir gesunde, daz waz gûetlich,  
 Milte gemêssecklich,  
 Diemuot, reine, âne gevære,  
 Kiusch, senft und êrbere,  
 40 Witsweif, noch nit ze getlôs,  
 Ze hôchvertig, noch ouch ze lôs,  
 Unwertlich, noch ûbellich  
 Gestalte ir gesinde nie ûbellich.  
 Ir ougen kreis, der waz vil gar  
 45 Jaccinctin und saphyrin var,  
 Ir ougûphel, der drinne lag,  
 Waz swartz lûter sam der tag.  
 Noch betruopte sinen schin  
 Keiner slachte fleckellin.

50 Daz wisse der ougen  
 Waz milvar sunder lougen.  
 Der ougen kreisse es bevieng,  
 Als es dar umb schône gieng.  
 Die brâwen wârent ebenslecht  
 55 Und in alle wis gerecht.  
 Âne fluli wâren si  
 Und slachte gebresten fri,  
 Ze lang, ze tik, ze tünne,  
 Noch keine krumbe künne  
 [26] Hâtten die hâr der ougenbrâ  
 Und ein cleinen ûs gekêret dâ,  
 Die über brâ wâren ûf gezogen,  
 In mitten schön gebogen  
 5 Ob den ougen ze wâr,  
 Sam si gemâlet wêrint dar.  
 Swartz si wâren, nit ze breit,  
 Noch ze dikke dar geleit.  
 Och stiessen si ze semen niet.  
 10 Ein zimlich wite sich schiet  
 Als eines bildes in alle wis,  
 An dem lît meisterlicher flis.  
 Ir nunt waz lussam sunder wân  
 Und gar wunneklich getân  
 15 Und aller süsseskeite vol,  
 Si ieman kan oder wûnschen sol.  
 Die lefze wâren rôsevar  
 Und ûbriges fleisches bar,  
 Wol stânde und reine  
 20 Und schopfeten ein cleine.  
 Ir zenne, als wolde wunschos fliz,  
 Wâren eben unde wis,  
 Sûberlich gezinnnet dar  
 Und unreinnete bar,  
 25 Ze grôs si wâren, noch ze klein  
 Und lûchten als ein helffenbein.

Ir kinne waz vil wol getân,  
 Sinwel, sam es wêre gedrân  
 Und enklein enmitten hol,  
 35 Als es stuond ze wunsche wol.  
 Ir naso wol geschaffen waz,  
 Nie nase stuond an houpthe baz,  
 [26<sup>b</sup>] Si waz erhaben ein vil klein  
 Und waz ze allen zitten rein.  
 35 Rechte mässe man ir sach  
 An kürze grössi und an der lenge,  
 Ze wîle, noch ouch ze enge.  
 Nâch der mässe wâren  
 Die nasslöcher wâren.  
 40 Ir liechten wengline kreis  
 Ze mager wâren, noch ze veis,  
 Noch ze dik, noch ze krank,  
 Diu mässe habe ir mässe dank.  
 Si wâren minneklicher gar,  
 45 Wis und dâ bi rôsevar.  
 Wol stuonden ir die hüffelin,  
 Si gâben lylijenvarwen schin,  
 Mit rôsen wol durchpenget,  
 Die dar in sint gemenget.  
 50 Ir stirne waz getranges fri  
 Und doch nit ze breit dâ bi,  
 Schen eben und frœlich,  
 Kein runtze dar an ougte sich.  
 Ir lœkke wâren goltvar  
 55 Und als ein topâzin gegar.  
 Ir zôphe, liechte und val,  
 Hiengen verre hin ze tal  
 Bis ûf der megte gûrtelln  
 Und gâben wol getânen schin.  
 60 Si wâren geflochten wol,  
 Schœne und als man tuon sol,  
 Ze vaste nicht erzwiket

Noch ze wil gestriket,  
 [27] Die edel maget waz garwe  
 An lip, an antlût, an varwe  
 Schœne unde minneklich  
 Und aller hübscheite rich.  
 5 Liutsêliger antlût nie wart  
 Geschen, noch sô rechte zart,  
 Noch wart nie keins geschaffen baz,  
 Danne dis antlûte ouch waz.  
 Ân allen gebresten waz er gar,  
 10 Runken unde flekken bar.  
 Liljen wis sô was ir kel  
 Êfrecht unde sinwel,  
 Nicht krumb, ze mager, noch ze lang.  
 Weder ze gröss, noch ouch ze krank.  
 15 Êf trozzender âder dekein  
 An ir liechten kelen schein.  
 Ouch wâren ir hende  
 Ân alle missewende,  
 Unschelbig und reine,  
 20 Ze grôs, noch ze kleine,  
 Gebögig unde zuolich  
 Und butten snellenklichen sich  
 Ze allen tugenthafte fromen,  
 Swar si dar zuo machte komen.  
 25 Ir vinger wâren wol getân,  
 Sinwel als si wærin gedrân,  
 Lang und dâ bi kleine,  
 Sûber und ouch reine.  
 Slechtes ganges wâren ir tritten,  
 30 Wâren gar nâch hoflichen sitten,  
 Und waz ir varwe sunder wân  
 [27<sup>b</sup>] Als ein oniehinûs getân.  
 Ir gang waz hofelich und slecht,  
 Ir trittu in alle wise gerecht.  
 35 Nicht ze snel sô waz ir gang,

Ze valle si kein lie twang.  
Ouch waz ir gang ze träge nicht,  
Ûf rechte mässe er waz gericht,  
Gezeme und erbære  
40 Und missewende lere.  
Si gieng, der mirs gelópt,  
Und neigt enklein daz hópt  
Als kiusche megtde ie tåten,  
Die reine schame hätten.  
45 Als ir wandel, der waz guot,  
Kiusch und mit reiner zucht behuot.

*Von der kiuschen und heiligen  
mægd Marien gespræche.*

Ir stimme waz sües und lussam  
Heiter, hel und wunnesam.  
Sües unde senf ir åten waz,  
50 Specie nie gesmækte baz.  
Verrichte waz ir zungo  
Sunder wandelunge,  
Gespræche und aller gnåden vol,  
Daz es geviel menlihen wol.  
55 Stoltz und gemeite ir spræche waz,  
Nie sitte geveile den liuten baz.  
Zerteilet waz in ir munde  
Gnåde ze aller stunde,  
Daz ir wort sunder varen  
[38] Rein und wise wåren,  
Güetlich bescheiden und einvalt,  
Kiusch und senfteklich gestalt,  
Besniten und gewære  
60 Sunder aller gevære.  
Niemer si kein worte sprach,  
Wan daz mit bescheidenheit beschach.  
Vil rede, krieg und uppekeit  
Und schrei si ze allen zitten nit.

10 Mit ruom si sich überhópt nie.  
Alles müessig rede si lie.  
Si waz der wårheit miunerin  
Und hassete zwivalten sin.  
Si wære hie, si wærin dort,  
15 Selten sprach si iemer wort.  
Vor vil rede si sich onthielt,  
Swigheit si ze aller zite wielt,  
Und sô diu edel maget zart  
Etwaz gefråget wart,  
20 Der fråge entwurte si  
Wislich und güetlich dâ bi,  
Und geschach daz dâ von,  
Daz si waz senftekeit gewon.  
Si hinder redet nieman  
25 Weder frouwen, noch man,  
Guoten, noch unrechten,  
Frömden, noch dien schlechten.  
Alsus waz ir triuwe  
Menlichem niuwe.  
30 Nieman si werk, noch sin wort,  
Noch sin gelûke, noch sin hort  
[38b] Von der reinen megden zart  
Benidet, noch verkêret wart.  
Swaz si gehôrfe alder gesah,  
35 Es wære guot, es wære swach,  
Daz besserte si ze stunde,  
Sô si meiste kunde,  
Mit werken und mit worten,  
Die ir dar zuo gehôren.  
40 Ir hertze waz sô rechte rein,  
Si gunde ûbels nieman dekein,  
Noch waz arkwân, noch ûbel nicht  
Gegen keiner slachte geschicht.  
An si waz der tugenden flis  
45 Vil gar geleit in alle wis,

Der diu nature und der geist  
 Geben muge und volleist.  
 Mit erbären reinen sitten  
 Waz der ären cleit geschnitten  
 50 Und waz zuo heiliger arbeit  
 Ze allen zitten bereit.

***Daz die magt Maria gewon waz  
 selten ze lachende.***

Maria hätte gewennet sich,  
 Daz si niemer alder selzenlich  
 Erlachte, als man von ir seit,  
 55 Noch pfleg keiner ungezogenheit  
 Mit keiner lachentlicher getät,  
 Die verlassentlicher stät.  
 Niemer ze lachende si sich zöch,  
 Es fuogte si sich danne sô,  
 60 Daz si tete durch das,  
 [39] Daz si den liuten desto baz  
 Möchte wonen mitte  
 Nâch unverdrossenlichen sitte  
 • Und niemanne were  
 5 Durch ir ernst swære.  
 Und swenne sich gefuogte daz,  
 Daz ieman wol geschâhen waz,  
 Des fröwte si sich sunderbâr  
 In ir herzen vil gar.  
 10 Si truog mennlichen halden muot,  
 Als rein waz si und guot,  
 Und swie daz etwenne geschah,  
 Daz man die maget lachen sach,  
 Doch hielt si munt und ougen  
 15 Sô schône sunder loughen,  
 Daz man es vil gerne sach  
 Und ir wol dar umbe sprach.  
 Spottes noch unstete si nit pfleg,

Weltlich fröude an ir gelang.  
 20 Sinnes und hertzen reinikeit  
 Und des libes kiuschekeit  
 Wonten ir ze stete mit  
 Mit scham und mit erbâren sitten.  
 Ouch wâren ir werk und ir gesicht  
 25 Gar und gar ôf got gericht  
 Und dar zuo ir sinne  
 Ôf ir obenmenschen minne.

***Daz die magt Maria sich zaller  
 zit flizzende waz guoter werk.***

Diu hêlig edel maget zart  
 Müessig nie gesehen wart,  
 30 Wan daz daz reine gottes wass  
 [29<sup>b</sup>] Ze aller zit unmæssig waz  
 Mit guoten werken sunder wonk;  
 Zuo den stund all ir ungodank.  
 Unb des tempels und der altar plâge  
 35 Waz si flissig all wege,  
 Ald si waz aber an ir gebet,  
 Daz si vil unde gerne tet.  
 Den salter si vil gerne las,  
 Und swaz himelscher dinge waz  
 40 Der gerte si mit voller kunst,  
 Daz waz alle ir wollust,  
 Alder von der geschrifte heilikeite  
 Ir gespiln si seite,  
 Ald si wurkte mit der hant  
 45 Waz ir se werke waz bewant.  
 Mit dienst ir gespiln si verlie,  
 Noch gewanke dar an nie.  
 Si las vil gerne und wider lass,  
 Waz buochen der heiligen vetter was,  
 50 Und hette ir fliss und achte,  
 Sô si meiste machte

Bysse und pfeller gedräte.  
 Sie wab, span und näte,  
 Ouch waz ze macheune die magt  
 55 Edel gollborten, só man sagt,  
 Und bewant hoflich und wol  
 Mit golde siden, als man sol,  
 Und von ir manig schœniu nât  
 Wart uf die umbehang genât.  
 60 Ouch machte si mit ir hant  
 Des tempels êwarten gewant,  
 [50] Und wart menig schœn altarcleit  
 Von ir ûf die altar geleit.  
 Dis alles tet Maria wol  
 Ordenlich und als man sol.  
 5 Si hâtte wissheit bi der jugend,  
 Schœne sitte und mänge tugend.  
 Gebett, vaste und wachte  
 Wären alle zitt ir achte.

*Daz die magt Maria sich mentlich  
 gelich in guote erbôt und mentlich  
 ir holt waz.*

Diu maget an ir hêtte  
 10 Kein sunder getête,  
 Dâ mit diu vil zarte  
 Ir gespiln beswârte,  
 Wan daz si als gemeine waz.  
 Waz si wolten, si wolte daz,  
 15 Und waz gar in ir huote,  
 Daz si nieman muote,  
 Alte noch die jungen,  
 Mit keiner ergrunge.  
 Friunden, frömden, kunden  
 20 Waz si ze allen stunden  
 Mit herten und mit sinne  
 Gefellig und geminne.

Ir gespiln allwege  
 Êreten si mit hôher pfâge.  
 25 Ir ieklicher sunderbâr  
 Und âlli mit enander gar  
 Sie butten ir êre und zucht  
 Mit diensthaften genucht  
 Und gâben ir durch minne  
 [50b] Krâmes krâmes gewinne.  
 Âlli ir gesellschaft  
 Nam an ir werke bischaft  
 Unde richten dâ mitte  
 Swaz an ir waz kein ungesitte,  
 35 Und swaz ir keiner arges war,  
 Dar umb trûrte si alsô gar  
 Und waz ir alsô swêre,  
 Als es ir eigen wære,  
 Und half ir ze aller stunde,  
 40 Swâ mit si dâ kunde,  
 Ir kumber nit alleine clagen,  
 Won ouch den gebresten mit in tragen.  
 Und ob der megde alsô zart  
 Iemer dekeini siech wart,  
 45 Die burte und leite  
 Maria die gemeite  
 Unde half ir in der nôt,  
 Als ir ir triuwe gebôt,  
 Unde swâ si ieman sach  
 50 Liden dekein ungemach,  
 Dem erbunde si des smerzen  
 Von allem irem herzen  
 Und kêrte iren fliss allen dar an,  
 Wie er im wurde abgetân.  
 55 Dis ûs erwelte tugende vass  
 Arbeite erbünstig waz,  
 Erbarmhertzig ûsse und inne  
 Und vol rechter minne.



- Si fröwte mit den fröwen sich  
46 Und gebärte trüreklich  
Dur in, den si trüren sach,  
[31] Und leit mit im ungemach,  
Mit den siechen siechte si  
Und clagte dâ bi  
Von allem irem herizen gar,  
5 Swaz ieman ungemaches war.  
Die edel magt Maria leit  
Aller menschliches leit  
Mit erbunste smerzen  
Von allem irem herzen  
10 Und hüt in werke und wortes tröst,  
Sô daz si wurden erlöst.  
Der minne waz si alsô vol,  
Daz si aller liute dol  
Wante, sô si mochte  
15 Und ir ze tuonne tuochte.

*Daz die heilig magd Maria von  
eins lössens wegen des ersten ge-  
heissen wart ein künigin.*

- Als got wolt und solte sin,  
Dô wart Maria ein künigin  
Von ir gespiln genant,  
Als uns tuot dis buoch erkant,  
20 Daz von der edlen megde zart  
Lebenne geschriben wart.  
Des tempels phläger sunder twâl  
Gäben den megden überal  
Ze würlenne, als es der waz komen,  
35 Aller hande dur fromen.  
Sie gäben in die follen  
Flachses und wollen,  
Bisse, phellor, siden

- Gäben si den pliden  
[31b] Und cottun in gestössen zwir,  
Wol gerätet nâch ir gir  
In eines visches bluote.  
Nâ wart in ze muote,  
Daz si lözzen wolden,  
35 Wem si geben solden  
Ze würlenne daz beste,  
Und sweler daz lôs ze leste  
Daz edelste gêbe under in,  
Die solte sin ir künigin.  
40 Alsus wurfen si daz lôs,  
Und als es ieklicher erschôs,  
Darnâch ze würlenne si nam  
Einer diu wollen zam,  
Die ander nam den flachs an sich,  
45 Die dritte bisse sunderlich,  
Die vierde dis, die fünfte daz,  
Als es an löses valle waz.  
Und dô der magt Marien zart  
Ir werkes lôs geworfen wart,  
50 Dô viel es ie der pliden  
Nâch purpur, golde, siden:  
Dâ von ir gespiln under in  
Si nanden für ein künigin.

*Daz die magt Maria selten us  
gieng.*

- Bi dirre samenunge  
35 Wonte die edel junge  
Mit züchlich mässe.  
Selten an der strâsse  
Sach man die tugenden rîche,  
[32] Si wonte stattekliche  
In dem tempel ald in dem hûs,  
Und' swenne ir gespiln giengen us

Ze friunden ald ze kunden  
 5 Durch kürze der stunden,  
 Sô bleip die reine guote  
 Bi des tempels huote;  
 Und swenne ir nifst Elyzabêth  
 Ze Jérusalêm in komen tet  
 10 Mit Zacharia ir mun  
 Und er dô solde begân  
 Sin ampt, als es gebotten waz,  
 Und daz vernam der êren vas,  
 Die reine magt Marie,  
 15 Die kiusche wandels frije,  
 Si kam durch friuntlich gir  
 Und mit gottes forchte zuo ir  
 Und tet, daz die bescheiden  
 Ze liebe und ze tröst in bēden;  
 20 Und swenne Maria zuo in dar  
 Wolte gân ald anderswar,  
 Si gieng gezogenliche  
 Gezame und ernstliche.  
 Ir wonten ze allen zittē mitte  
 25 Bi reiner zucht guote sitte.  
 Ir gang waz eben unde slecht  
 Den truog si âfrecht  
 Die frije vor meine  
 Und neigte daz haupt ein kleine.  
 30 Zuo der erde lie si tougen  
 Sinken ir liechten ougen.  
 Vil selten menschen dekein  
 Ir ouge ze wege wart beschein.  
 (32 b) Si waz ouch witsweif nicht,  
 35 Swâ si gieng mit ir gesicht,  
 Und hielt sunder lougen  
 Rein hertz und ougen  
 Und swie daz etwenne geschach,  
 Daz gruos ir ieman zuo sprach,

40 Dem neig die selden riche  
 Vil gezogenliche  
 Und sprach: Got genâd sig geseit  
 Und dir von himel fride bereit.  
 Dis antwurt si ze stette  
 45 Gegen gruoze hete.

*Daz frömde und künde, die schri-  
 ber und die Phariseen die magt  
 Marian êreten.*

Alle die bi den jâren  
 Ze Jérusalêm dâ wâren,  
 Die von der megde heilikeit  
 Ald von ir lebens êrberkeit  
 50 Ald von der genuchte,  
 Ir kiusche und ir zuchte  
 Ald von ir libes hûbscheit  
 Und von ir anlûtz schönheit  
 Wisten ald vernâmen ie,  
 55 Die êrten die maget hie  
 Und butten der vil hêren  
 Lobes vil und êren  
 Durch ir tugenden volleist,  
 Die ir gap der heilig geist,  
 60 Und nam sie alle besunder  
 Ir heilikeite wunder.  
 Alle die wâren êwarten  
 Hâtten die vil zarten  
 (33) In vil grôsser êre  
 Und minnete si sêre,  
 Die fûrsten und die frijen,  
 Des volkes massanen,  
 5 Die edel und unedel diet  
 Sich von ir lob nie schiet,  
 Die Pharizês ir lobes zam  
 Und die schriber allesam,

- Si erten ouch die Saducël  
 10 Und lopten si die Essël,  
 Der zuo von aller judischeit  
 Wart ir lobes vil geseit,  
 Alle êlich liute,  
 Megde und briute  
 15 Und die witwan dar zuo  
 Êrten si spät und fruo  
 Die ir grössen kiuscheit  
 Und durch ir libes schönheit.  
 Sus lopten si geliche  
 20 Arme und riche  
 Und êrten zo allen stunden  
 Swâ mitte si dô kunden.

*Daz die byschöf und êwarten gebutten, daz man die mägð die manbâr wâren manen geben sôlti.*

- Dô Marjâ die cläre,  
 Waz in dem fûnfzehenden jâre,  
 25 Die fûrsten der êwarten  
 Gebutten, daz die zarten  
 Megde solte neman man,  
 Swelen lêge daz altar an,  
 (33<sup>b</sup>) Daz si wârin manbære.  
 30 Dis gebottes lêre  
 Die herren tâten durch daz,  
 Wan es dô vor gebotten waz  
 In her Moysesens ê,  
 Swelch magt âne man icht wære mê,  
 35 Denn ûf dis voggen zil,  
 Daz wære iren ze vil,  
 Und hôrti man es bi den tagen  
 Fûr ein grösses laster clagen,  
 Swelch jungfrouw alsô verdarb,  
 40 Daz si nicht liplich frucht erwarb,

- Und dâ von wart dis gebot getân,  
 Daz ieklich magt solt einan man  
 Neman, sô si wære  
 Worden manbære,  
 45 Und daz tuon in dem sinne  
 Durch kinde gewinne.

*Daz der magt Marien manig jûngling begert ze wibe.*

- Manige edel jungeling  
 Und ander leiten ir gering  
 Und gewerbes wunder  
 50 Ieklicher besunder  
 Und dar zuo allen sinen flis,  
 Daz im wurde die maget wis  
 Gegeben sinem libe  
 Ze einem êlichen wibe,  
 55 Wan si waz über âlli lant  
 Von ir tugenden wol bekant,  
 Und lopte man ze stritte  
 [34] Menlich bi der zlte  
 Ir guot gebâren in ir jugent,  
 Ir zucht, ir manigvalte tugent,  
 Ir reine sit, ir kiuscheit,  
 5 Ir antlûtes schönheit  
 Und ir wol gestalten lip  
 Fûr âlli megde und wip,  
 Und waz dâ bi die vollen  
 Mit gnâden bewollen,  
 10 Daz manigen man brâchte dar zuo,  
 Daz von im spät unde fruo.  
 Der megide wart zuo der ê gegert,  
 Noch wart ir keiner doch gewert.  
 Si butten ir des schatzes solt,  
 15 Bêdi silber unde golt,  
 Si butten akker und wisen dar,

Sume anders richtuomes schar,  
Daz si mechlin gewinnen  
Marien ze ir minnen.

***Daz die byschöff Marten gebutten,  
daz si einen man erküs, den si ze  
der ê hëtti.***

30 Von den fürsten sunder wân  
Wart der magt ein gebot getân,  
Daz si von den knappen wert,  
Die ir hätten gegert,  
Einen ze der ê nême,  
35 Daz ir sitten zême,  
Und sprächen: Sêliges süesses kint,  
Von gotte sunderbâr gemint,  
Die lasters flekken âne,  
Die reine wol getâlne,  
30 Die kiusche wandels frije,  
[34 b] Vil sêezze maget Marie,  
Din hübscheit ist vol underschniten  
Mit tugentlichen reinen sitten  
Und hât die natûre dich  
35 Gehêret und gemachet rich  
Mit maniger hande stolzekeit,  
Die si hât an dich geleit,  
Dâ von din lop ist erkant  
Und erhêhet durch die lant  
40 Und geêrt manig wis din lip  
Für alle mege und wip,  
Dâ von manig man vil wert  
Ze einer frouwen hât gegert,  
Edel magt wol getân,  
45 Daz wir dir gerâten hân,  
Des soltu gevôlgig sin  
Und erküs in dem herzen din  
Einen ûs disen allen,

Der dir muge gevallen,  
50 Edel maget, nâch diner ger,  
Ze gesellen und ze huoter  
Diner werder reiner jugent  
Und ze einem heimlich diner tugend.

***Daz Maria wideredde, einen man  
ze nâmen und von der bewêrunga  
des guotes der kiuscheit und von  
dem glouben ir gemahel gottes.***

Von disen worten die magt  
55 Wart betrüebet und verzagt,  
Sô daz ir anlût rôsevar  
Schein êrberlichen vil gar  
Von ir reinen hertzen nôt,  
[35] Als ir die magetlich scham gebôt,  
Und siufzete in der inne  
Ir reinen herzen sinne  
Und ruoften got von hertzen an,  
5 Daz er si liesse bestân  
An ir reinêt beginne  
Und ir gebe ze sinne,  
Daz ir wol gebûrte  
Den êwarten ze antwürte.  
10 Dô wart der maget ze hant  
Von got in den sin gesant,  
Daz si gnâdenkliche  
Sprach, doch gezogenliche:  
Ich wil man dekeinen  
15 Nit won got alleinen.  
Ich hân min hertz ûf in gestelt  
Und ûss alr der welt erwelt  
Stille und ûberlâte  
Ze man und ze trâte,  
20 Und hân im mine kiuscheit  
Mit vestem antheize bereit

Und geopfert minen magentuon,  
 Dâ wider ich niemer wil getuon.  
 Ich wil in iemer minnen  
 35 Von hertzen und von sinnen,  
 Ich getriuw im, als ich sol,  
 Gegen mir des selben wol  
 Und wil dar ôf stellen,  
 Daz ich in hab ze gesellen,  
 30 Ze mines huoter und ze man.  
 An sinem bette wolgetân  
 Ist lylijen und rôsen vil  
 (35b) Und ander bluomen âne zil,  
 Dâ ist der süesseste smak,  
 35 Der ie für alli süessi wak.  
 Dâ cret der türe nardus  
 Und der edel balsamus  
 Und smak des cynamômen  
 Und diu bluot amômen.  
 40 In sinem hôhen hûse wit  
 Ist iemer werendiu sumerzit,  
 Dâ ist ze heis, noch ze kalt,  
 Von altar nieman ungestalt,  
 Da ist weder siuften, noch weinen,  
 45 Noch schrei høert man dekeinen.  
 Tarst, hunger, siechtuon, trûrekeit  
 Und forchte sint dâ hin geleit.  
 Der tût hât dâ ze tuonne nicht.  
 Keinen gebresten man dâ sicht.  
 50 Dâ ist weder nid, noch hass,  
 Und trûrekeit ist dâ nieman lass.  
 Heil, frôud, ruow, sicherheit  
 Und ewig frid ist dâ bereit.  
 Mînes gemacheles kâmnâten  
 55 Sint vil wol berâten  
 Mit frôudenriche sange,  
 Dâ hellent mit gedränge

Die organâ ze prise,  
 Und harpfer süesser wise,  
 60 Moyses und Abrahâm  
 Und Dâvid, der werde man,  
 Harpfent dâ süessentkliche,  
 Dâ bi vil hofenliche  
 Die engel tanzent wider strit.  
 65 Dâ sint vil wunneklitchi zît.  
 [36] Ze aller stæte hellent dâ  
 Der edeln heiligen organâ,  
 Und die wissagen alle  
 Lebent dâ mit schalle.  
 5 Dâ sint frôudebern spil  
 Und hertzenlicher frôuden vil.  
 Mîn trât sich bi den kinden  
 Lât vil gerne vinden.  
 Es ist sô stolzer sitte.  
 10 Es wont in gerne mitte,  
 Swenne ir tambûr erclingent  
 Und selbe süesse singent,  
 Dâ ist der wolgebêre  
 Der hêligen harphôre  
 15 Und der megde organist,  
 Der süesseste der iender ist.  
 Im sô dienen vil gar  
 Dêmuêtlich der engel schar.  
 Die sunnen und den mânen  
 20 Wundert des wolgetân  
 Ôz erwelten hûbscheit,  
 Die er an sich hât geleit.  
 Ouch ist der mîn geselle  
 Des himels und der hello  
 25 Und aller welte nâch siner ger  
 Phlâger und behalter.  
 Mîn hertz hât in ûs erkorn  
 Und hât im gesellschaft gesworn

Von aller stner mechte craft  
 30 Mit ewenklicher trütschaft.  
 [36<sup>b</sup>] Ouch hât der liebe gemahel min  
 Mich mit dem fürspane sin  
 Und ander rîche gâbe gemahelt  
 Und ze sinen minnen und gestahelt,  
 35 Sô daz ich im min kiuschkeit  
 Unversmâhet hân bereit,  
 Und wil im si behalten wol  
 Mit kiuschem hertzen, als ich sol.  
 Niemer sol mir daz gezemen,  
 40 Daz ich welle daz man genemen,  
 Wan sin, den ich alleine hân  
 Anthies miner kiuschkeit getân,  
 Daz mir als iuch gewissen ist  
 Nît muoslich ist ze keiner frist,  
 45 Daz ich nâch Moysesenes ê  
 Disen anthies über gê.

*Daz die êwarten wunder nam der  
 gesprêchî der megde Marian und  
 von den úszrigen und der bewê-  
 runge, sô si gegen ir tâten.*

Dô des tempels êwarten  
 Erhörten der vil zarten  
 Antwûrt, si nam wunder  
 50 Und erschrâken ouch besunder  
 Von den wîsen worten,  
 Die si von ir hörten  
 Mit grösser verstandenheit  
 Und die si mit bescheidenheit  
 55 Brächte harte schöne zuo.  
 [37<sup>b</sup>] Doch sprâchen si ze der maget: Tuo  
 Nicht alsus und bring úns nicht  
 Mit dîner ungehörssamer geschicht  
 Dekeinen niuwen sitten,

Des wend wir dich nu bitten,  
 Die der ê geschaden megen  
 Und die gesetzde nider legen,  
 Die úns Moyses gebôt  
 Und die im got selber bôt.  
 10 Und swie du nicht gevolgig bist  
 Unserm râte an dirre frist,  
 Sô wissest, daz der fluoch dich slât,  
 Dar in der ê geschriben slât:  
 Swel maget ze ir tagen ist komen  
 15 Und ir der segen ist benomen,  
 Daz si nicht liplich frucht gebirt,  
 Got und den lûten si wirt  
 Verfluocht und ungenæme  
 Und iemer widerzæme.  
 20 Von diser rede frîje  
 Die kiusch maget Marie  
 Den êwarten des tempels dô  
 Antwûrt gab und sprach alsô:  
 Lieben min bruoeder, ich weis vil wol,  
 25 Ob ich es nu sprâchen sol,  
 Waz Moyses meinunge nu waz  
 Mit disem fluoche; wissent, daz  
 Mir niemer dâ von arges nicht  
 Kan beschâhen, noch beschicht,  
 30 Wan dis fluoches gering  
 Gât úf zergenklichiu ding  
 [37<sup>b</sup>] Und nicht úf die schönheit  
 Der ewenklichen sêlichkeit.

*Daz die êwarten ze rât wurden,  
 waz si Marien tâtîn emb den ant-  
 heis, den si getân hâtte.*

Dô die êwarten nît mê  
 35 Hâtten ze antwûrte als ê,  
 Dô wurden si vil drâte

- Under enander ze räte  
Und sprächen alsus:  
Es ist unser ere verlust,  
40 Sol disi maget wol getün  
Unserm gebotte wider stän  
Und süllen si nicht betwingen  
Ze redlichen dingen,  
Sô wirt den andern dirre leben  
45 Ze einer bischaft gegeben,  
Sô daz ir keiner niemer man  
Gesicht willenclichen an  
Und frompt Moysesens ê  
Noch unser gewalt nicht mê,  
50 Und dâ von sôllen wir versehen,  
Daz es niemer künne geschehen.

*Wie ein Jude der kiuschen magt  
Marien gestuont und si schirmte  
mit sinen guoten worten und ouch  
bescheidnen worten.*

- Der alten Juden einer sprach:  
Dô er den andern rât ersach:  
[38] Dirre megde sache herte lit,  
Ir muot eim antheis volge git,  
Wan als Moyses uns seit,  
Swelch alt oder junge meit  
5 Noch wonende in ir vatter hûs  
Kein antheis tæte sô oder sus  
Âne ir vatter wissen,  
Swenne es im wurde verwissen,  
Wider rëdde es nit ze stunde,  
10 Sô wëre si gebunden  
Ze lëstenne, gotte weis,  
Nâch Moyses ê ir antheis.  
Alsô hât disiu magt bereit  
Mit antheis gotte ir kiuscheit,

- 15 Daz ir vatter, dô er es vornam,  
Mit einem wort nie wider kam,  
Wan daz er ir die selben tât  
Mê gelimphet, denne ungelimphet hât  
Und mit räte die meit  
20 Bildet ôf kiuscheit.  
Und dâ von ist nicht mugelich  
Dirre megt, daz si sich  
Von ir antheis entwinde,  
Unde ist daz ich vinde  
25 An iuch die volge, sô rât ich,  
Daz wir alle flissecklich  
Gotte bitten, daz er  
Uns ougte sinen willen ger  
Bi dem heiligen engel sin  
30 Wie wir disem megotin  
[38 b] Unsern êr alsô hewarn,  
Sô daz wir recht und si gevarn.

*Daz die êwarten satzden ein dry-  
tägigi vasten von der kiuschen  
reinen magt Marien.*

- Die êwarten dô satzden  
Ein dryetägigi vasten  
35 Und bâten got vil sêre,  
Daz er in gæbe lère  
Und kunte bi dem engel sin,  
Wie si gogen dem megotin  
Marien, den vil clâren,  
40 Sich sollten gebären  
Umb ir antheis kiuscheit,  
Als hie vornan ist geseit.

*Von der stimme, die in dem tem-  
pel gehôrt wart, wer Marien wer-  
den sôlte.*

Wie nâch dem dritten tage

Hörte man nâch gewêrer sage  
45 Ein ruoffen alsô grôs,  
Daz es durch den tempel dôs,  
Und gebôt, daz ieklich man,  
Er wêre jung oder alt getân,  
Der zuo der ê nicht wêre kumen  
50 Und von Jûdas des fromen,  
Des edelen mannes ûs erkorn  
Geslechte wêre geborn,  
Zuo dem tempel solte komen  
Ob si wissen wolden  
[39] Wes die maget Marie  
Solde sin amye;  
Ir ieklich ein riutelin  
Solten bringen mit in  
5 Unde solten daz vil eben  
Dem obresten êwarten geben,  
Daz er si gehielte gar  
Bi dem frône altar,  
Und swes ruot wurde alsô guot,  
10 Daz si loub bari und bluost  
Und âf der heilige geist  
Durch des zeiches volleist  
Wurde in tûbe bilde gesehen,  
Den solte man der megde jehen  
15 Der edlen Marien  
Ze einer amyen.  
Und dâ die stimme sich zerlie,  
Ze hant von den êwarten gie  
Ein gebot durch die judescheit,  
20 Daz alle die wêrin bereit,  
Die von Jûdas des fromen  
Sâmen wêrin bekomen,  
Si wêrin jung oder alte,  
Ze Jérusalem kâmen balde  
25 Und dâ bi dor getweten,

Daz si nicht wibe hêtin,  
Und solt ieklich sunderbâr  
Ein ruote mit im bringen dar,  
Und die dem obresten ze hant  
[39b] Êwarten bringen in die hant,  
Daz er ein zeichen sunder wân  
Iesâ tati dar an,  
Daz er dâ bi sunderlich  
Bekande wol ir ieklich.  
35 Unde dis beschâhen was,  
Der heilig êwarte nit vergas,  
Er leite die ruoten gar  
In dem tempel zuo dem altar,  
Und wart an dem dritten tage,  
40 Noch dô bar noch sage  
Der ruoten keini lôb noch bluot:  
Dar umb wâren si ungemuot  
Und bâten gotte geliche  
Bêdiu arm und riche,  
45 Daz er daz bestæte  
Daz er in gelobet hêtte  
Diu stimme, die zuo der erren wart  
Gehœret in dem tempel wart.  
Nu aber dô diu stimme kam  
50 Und sprach: Hie ist nit der erre man,  
Dem die maget ze dirre frist  
Ze gemahel erteilet ist.  
Der man, den got hât ûs erkorn  
Der magt ze man, der ist geborn  
55 Von herr Jâcobs sâmen her,  
Ze Bêthleêm dô wonet er  
Von Jûdas geslechte erkant,  
Jôsêph sô ist er genant.  
*Wie Jôsêph der megde Marien  
gemahel gelobet wart.*  
[40] Dirre Jôsêph burger was



Ze Bêthleém, als ich laz,  
 Und waz von Jacobs des fromen  
 Eigem sâmen dar bekomen,  
 5 Sinem leben wonten schöne sitten,  
 Wisheit und guot wandel mitte,  
 Sin reines leben, des er phlag,  
 Für alle sin genossen wag.  
 Bruoder waz er Cléophê  
 10 Der frô Annen man der ô  
 Nâch Jónachim, nu wissent daz,  
 Diu Ismarien swester waz,  
 Ein gewêrer friunt der gerechtekeit  
 Und ein minner der kiuschekeit  
 15 Und der unschulde halter  
 Mit lâtern herzen sô waz er.  
 Dar zuo sô waz er sunderbâr  
 Dêrnûetig und gedultig gar.  
 Got und die liute im wâren holt,  
 20 Daz hâtte sin vatter mund verschult.  
 Er waz in aller wis gerecht,  
 Worten und werken waz er slecht,  
 Er waz einvalt und guot,  
 Milt und senfteklîch gemuot.  
 25 Rein und ouch minneklich  
 Und aller bescheidenheit rich,  
 Sus waz sin gesprêche,  
 Sunder valsche wêche.  
 Gottes gewârbes sicherlich  
 30 Fleis er ze allen ziltten sich.  
 [40<sup>b</sup>] Der kunst waz er ein zinberman,  
 Wîse und gewære dar an.  
 Waz im ze siner durft gewuog,  
 Des hât der erbarmen gnuog  
 35 Und waz bresten eben bar,  
 Daz im hunger selten war,  
 Wan es umb in iemer wol stât,

Swen genûeget des er hât,  
 Als ouch in genuogte,  
 40 Swaz im got danne fuogte.  
 Über siechen armen  
 Kunde sich er erbarmen  
 Und die frômden bilgerin  
 Lies er im bevolhen sin.  
 45 Allen den er sin helfe bôt,  
 Die in bâten durch got,  
 Und tet in von siner habe,  
 Sô vil er machte, ir bresten abe.  
 Helfes und trôstes er dem jach,  
 50 Den er siech, alt, trûren sach,  
 Und hâtte erbermd über sich,  
 Und enbunden in dâ bi  
 Von allem sinem hertzen gar,  
 Waz in an libe, an muote war,  
 55 Als waz milteklich sô vol,  
 Daz in der versêrter dol  
 Sô nâche gieng und ir swêre,  
 Sam si sin eigen wêre.  
 Gotte waz sin stête gebet bereit  
 60 Mit volliger dêrnûetikeit,  
 [41] Mit vasten und mit wachte,  
 Sines libes craft erswachte  
 Und waz ie Moyses geheis.  
 Mit willen er daz niemer lies.  
 5 Sin herze und sin sinne  
 Stuonden ze gottes minne  
 Und zuo sines nêchstes dar zuo  
 Bêdiu spât unde fruô.  
 Sin leben ûf kiuschi zuoch,  
 10 Lipplîchen wollust er flôch.  
 Der heilig geist im fuogte daz,  
 Daz er von natûre kiusche waz.  
 Von gaistlichem guote

- Waz er kiusche an den muote.  
 15 In dächte unkusche säre.  
 Von rechter natüre  
 Kiusche wären sin gebérde.  
 An alle gevérde  
 Kiusch waz er siner worten  
 20 Und bescheiden ze allen orton.  
 Sin gesicht, sin hœren und sin mäs  
 Sin smak und grif kiusche waz.  
 Sines libes und siner sinne mugent  
 Und siner sêle tugent  
 25 Und alli sines libes lider  
 Bédiu für unde wider  
 Und alles sines gebären  
 Kiusch und eben wären.  
 Miller antwürte er waz  
 30 Und süezzer rede sunder has.  
 {41 b} Er gab güellichen rât  
 Und waz ouch an aller tât  
 Alsô rein waz er gemuot,  
 Daz er durch keine armuot  
 35 Versmächte nieman  
 Weder frouwen noch man.  
 Er minnete geliche  
 Arme unde riche.  
 Er hât an im kein hôchfort.  
 40 Êre giltig er nie wart,  
 Noch durch keine uppe gesicht  
 Sôn überhuob er sich nicht.  
 Démuot geminne gemêsse  
 Gevellig mit allen gelêssen,  
 45 Gesmidig und erbære  
 Waz er an alle gevære  
 Arcwân und bære kûngkeit,  
 Und mit aller zite gemeit  
 Grimmî, noch ûbeltâto

- 50 Noch kein âkust er hâtte.  
 Guot milt und gevellig gar,  
 Frêlich und gewirbig sunder var  
 Waz dirre guot man allewege  
 Mit vil reines hertzen plâge,  
 55 Bæser begirde truog er hass  
 Und gîtekeit, wissent das.

*Daz Jôsêph ze Jérusalêm kam und  
 sin ruote loub und bluost brâcht  
 und der heilig geist uf si sas in  
 einer tûben bilde.*

- {42} Dô dem gottes zarten  
 Des tempels êwarten  
 Diu stimme des bescheinde,  
 Daz got Jôsêphen meinde,  
 5 Ze Bêthleêm bottên ze hant  
 Von im wûrden ze hant,  
 Die im seîten, daz er  
 Sunder aller slachte wer  
 Ze Jhêrusalêm bekæme  
 10 Unde mit im name  
 Ein ruoten, und die gebe ze hant  
 Dem hôchsten êwarten in die hant.  
 Dô dis gebot Jôsêph vernam,  
 Ze Jérusalêm er balde kam  
 15 Und gieng in den tempel hin  
 Tragende in der hende sin  
 Ein tiurre ruot, daz ist wâr,  
 Loubes unde bluostes var,  
 Und dô er in den tempel gieng,  
 20 lesâ ze lôb und ze bluoste vieng  
 Diu vil tiurre ruote  
 Recht sam si wuote.  
 Der êwart si nam in die hant.  
 Der heilig geist dar uf ze hant

- 35 In lûbe wis si wart gesehen.  
 Und dô dis zeichen waz gesehehen,  
 Dô es daz volke alles sach,  
 Menlich mit einem munde sprach  
 Got gnâde und êre  
 36 lopten in vil sere  
 [42<sup>b</sup>] Des zeichenes, sô daz dâ waz beschehen,  
 Und begunde alle jehen,  
 Jôsêph wære ein rechter man,  
 Der rechtest, sô man mûchte hân,  
 35 Sit daz dis zeichens wunder  
 In hêtte besunder  
 Erwellet und gehêret  
 Vor sinem künne geêret  
 Für einen gewâren gottes knecht,  
 40 Sô wære billich und recht,  
 Daz die maget Marie  
 Die reine wandels frîe  
 Von gotte ûs erwellet  
 Im wurde zuo gesellet.  
 45 Des zeichens wurden si frô  
 Und sprâchen aber alsô,  
 Sin rechtkeit hât verschult,  
 Daz diu, der got ist selber holt,  
 Im werden solt ze der ê gegeben,  
 50 Daz er mit ir sinen leben  
 Gûetlich verswende  
 Bis âf sin libes endo,  
 Wan si ist nâch ruome  
 Aller wibe ein bluome  
 55 Und ein rôse sunder torn  
 Ûss aller dirre welte erkorn.

*Daz die êwarten Jôsêph gebutten,  
 daz er Marien nâmi ze einer hûs-  
 frowen.*

Nu gehutten die êwarten

- Jôsêph, daz er die zarten  
 Marien ze der ê nâme,  
 [43] Wan si im wol gezâme,  
 Und sprâchen: Jôsêph, gottes knecht,  
 Heilig man, ûns dunket recht  
 Und ist dar zuo billich,  
 5 Sit daz got hât erwellet dich  
 Ze der megde gesellschaft  
 Mit dis grôssen zeichens craft,  
 Daz du dir daz lâssest zâmen  
 Und si ze der ê wellest nâmen.  
 10 Jôsêph inen antwurtê dô:  
 Der muot mich noch nie an gezô,  
 Daz ich wip nâmen sölle.  
 Wêr aber, daz ich wölte  
 Iemer genâmen kein wip,  
 15 So wære mir doch dirre megde lip  
 Von ir schœni und von ir tugend  
 Und von ir kintlichen jugent  
 Und ander guot gelesse  
 Wære ze ungemêsse,  
 20 Won ich bin ein arm man,  
 Der weder lip noch guot mag hân,  
 Dâ von ich disem megetin  
 Gezâme muge an ichte gesin.  
 Dar zuo bin ich zwâre  
 25 Über altar jâre,  
 Sô sicht man selten daz jugend  
 Und alter grôs wol samen mugent.

*Von dem gebett, daz Jôsêph tet,  
 dô man in twang, daz er die magt  
 Marien ze einer êlichen gemahel  
 nâm.*

- [43<sup>b</sup>] Nu dô die priester und die diet  
 Jôsêph ze zwingen geriet,

- 30 Daz im solte gezämen,  
Daz er die maget müeste neman,  
Ze gotte huob er sin gebett,  
Mit mengen trähen er daz tet,  
Und sprach von hertzenlicher ger:  
35 Himels und erde schepfer  
Und menschlicher kunne  
Phläger unde wunne,  
Von leime du den ersten man,  
Got, din hant geschöpfen began,  
40 Und wart diner gnädenkeit  
In daz paradys geleit  
Und bräche uf den sinen lip  
Und schüeft uf sinen rippo ein wip  
Und gebe im ze gesellen  
45 Und hiesse si der uf stellen,  
Daz si die menscheit merten  
Und doch ir sin nit kerten  
An keiner slachte gelust,  
Wan si kindetin alsust  
50 Äne sünde einvalteklich,  
Sô merte ir ewig sêlde sich.  
Daz gebot Èvâ und Adâm  
Nicht machten leider stæto hân,  
Wan daz ir lip süntlich getât  
55 Uf sich und uf âns geladen hât.  
Und von der sünd sô wolte ich  
Fleischer wollust einzichen mich  
Und hân genomen in den muot,  
Daz ich mich tuon wolte behuot  
[44] Von fleischlicher wolluste  
Und von bæsem geluste,  
Sus hân ich dir, mîn schepfer,  
Mit enthaissener ger  
60 Miner sêle kiuschekeit  
Ze halten iemer mê bereit,

- Und dâ von, herre, bit ich dich,  
Daz du ruochest lesen mich  
Von disem getwinge  
10 Dirre unzimlichen dinge  
Und von der ungeberde,  
Daz mir ze wibe icht werde,  
Die magt ist unde ie waz  
Aller megde spiegel glas,  
15 Ein tischkamer der gotheit  
Und ein vass der drivaltekeit.

***Daz der engel Jôsêph starkte und  
in hies, daz er Marian nâme.***

- Jôsêph erschein der engel dô  
Und sprach gûetlich alsô:  
Gottes friund, durch dis geschicht,  
20 Guote Jôsêph, trære nicht!  
Du solt dich frôwen diser tât,  
Daz dich got erwellet hât,  
Daz edel megetin  
Din gemahel sülle sin,  
35 Won du wirst von im gewert  
Des din antheis hât gegert.  
Si ist ein liecht der kiuschkeit,  
Minne si der kiuschkeit treit  
[44b] Und als uf kiusche stât din gir,  
40 Recht alsam sô stât ouch ir  
Hertz, muot und der sin,  
Daz si kiusche welle sin.  
Der ebrische riche  
Wirdet si sicherliche  
55 Und alliu diu jûdscheit  
Erhæhet wirt von ir sælikeit.  
Von ir sô wirt alli diu welt  
Gericht uf behaltnüste gelt  
Und wirt von ir der engel val

- 40 Wider brächt bis ùf ir zal,  
Ouch werdent nāmenliche  
Die himelschen riche  
Von ir erhøhet über al  
Unde sinket ze tal
- 45 Von ir der tiavel gewalt,  
Der mengen hāt ze tōde ervalt.  
Und dā von lā dir gezemen,  
Daz du dis maget wellest nāmen,  
Und doch alsō, daz du hie bi
- 50 Reinecklich behaltest si,  
Und vor unkuschen sachen  
Soltu si bewachen  
Und solt ir rāt und helfe geben  
Zer nōtdurfe, daz si leben
- 55 Muge dester baz mit dir  
Unde du dā wider mit ir.

*Von dem gebett der süessen magt  
Marien, daz si tet, dō man si  
twang, daz si Jōsēph ze man  
nāme.*

- [45] Dō di Juden twungen  
Marian die jungen,  
Daz si Jōsēph nāme ze man,  
Iesā si weinen began
- 5 Und ruoſte an ſiſseklich  
Mit heissen suſtzen, daz er sich  
Ruochte sich über si vil armen  
Genēdeklich erbarmen,  
Und sprach: Ô himelscher got,
- 10 Obrēster trōster ze nōt,  
Ein minner reiner sinne  
Und kiusche sinne minne,  
Du weist wol, daz zuo keiner vart  
Nie min hertz outreinet wart,

- 55 Noch min lip, noch min gedank  
An kiusche nie getāten wank.  
Miner sēle ic sō wielt,  
Daz ich reine si behielt,  
Noch genam min hertze an sich
- 60 Nie nicht ze minnende wan dich,  
Und bin ze behaltende dir bereit  
Den bluomen minner kiuschkeit  
Und hāt entheissen dir min jugent  
Mīne magtenlichen tugend.
- 65 Nu muos ich nāmen einen man,  
Des ich willen nie gewan.  
Wie mir iemer mē, wē mir!  
Sol ich mich scheiden von dir  
Und muos einen andern neman für dich?
- 70 Das verriuwet niemer mich.
- [45b] Und dā von, gnēdigoster got,  
Ruochte dich durch dīn hōch gebot,  
An mir wende dis geschicht,  
Mines heiles einig zuoversicht,
- 75 Min vatter, min got, min schöpfer  
Und alle der welte behalter,  
Behalt ouch mir die kiusche min  
Und minen megentlichen sin,  
Daz ich dā zuo nicht mēdse komen,
- 80 Daz si mir werde benomen.  
Du bist min gemahel und min man  
Und min geselle sunder wān.  
An dem bette des hertze min  
Soltu gewaltig wirt sin.
- 85 Ich waz dir holt und minnet dich  
Und begert dīn ie stēteklich.  
Für dich begert ich mannes nie  
Und minnete dich alleine ie.  
Du bist min herre, du bist min got,
- 90 Min gesellig bruoder sunder spot,

- Du bist min vatter, ich din kint,  
 Du bist alleine mir gemint,  
 Du bist min schones clâres trût,  
 Ich minne dich stille und über lût,  
 35 Du bist alleine minneklich,  
 Dâ von min hertze minnet dich.  
 Dini wort sint als ein hongsin,  
 Nie süesser wurden dekein.  
 Din êniges handlung ist guot,  
 40 Volle gnâden si mich tuot.  
 Du bist der êre ein blüejendes zwi  
 Und wol geschaffen dâ bi.  
 [46] Engels und menschen bilde  
 Ist din sehene wilde,  
 Mines inrichen menschen heimlicher  
 Du bist und min behalter,  
 5 Min minner und min buole  
 Und aller züchte schuole  
 Und geselklicher craft,  
 Ein botte ze aller friuntshaft,  
 Min meister und gevert  
 10 Für alle widerwerte;  
 Und dâ von, herre, bitt ich dich,  
 Daz du ruochen lösen mich  
 Durch din götlich gnâdekeit  
 Von dirre anstênden ârebeit.

*Daz der engel Marian trôste und  
 starkte, daz man si twingen wolte,  
 daz si Jôsêph nâme.*

- 15 Dô Maria dis gebett  
 Weinende ze gotte tett,  
 Dô kam der engel unde spræch:  
 Maria, lâ din ungemach!  
 Got din gebett erhæret hât  
 20 Und wil machen dir sorgen rât.  
 Er hât zoo dir gesendet mich,

- Daz ich, maget, trôste dich  
 Und dir künde, daz er  
 Din magetliehe ger  
 25 Wil behalten und bestaten  
 Vor unkusehen tæten.  
 Doeh sô gilt man dich zoo der ê  
 Jôsêph nâch Moyses ê  
 Und wirdet doch nit din man.  
 [46] Diner kiuschkeit er dir wol gan,  
 Noch beswêret sicherlich  
 An diner kiusche niemer dieh.  
 Din magtuon bellbet dir,  
 Vil edel magt, nâch diner gir,  
 35 Und wirst ouch leistenne âne spot  
 Moyses ê und sin gebot.  
 Er minnet als du die kiuschkeit  
 Und ist grösser miltekeit.  
 Gottes vorchte er hât getragen  
 40 Von sinen kintlichen tagen,  
 Und waz ie gestellende âf recht  
 Als einer gewarer gottes knecht.  
 Er ist mit rechter gûeti  
 Kiusch milt und dêmûeti.  
 45 Er ist des fleisches wollust  
 Vigent und bæser gelust,  
 Und ist âne gevert  
 Für alle widerwerte,  
 Und dâ von, herre, bitte ich dich,  
 50 Daz du ruochest lösen mich  
 Durch dino götlichen gnâdenkeit  
 Von dirre anstênden erebeit.

*Daz Maria Jôsêph gemehelt wart  
 und daz die êwarten gâbent im  
 vier mânôt einen tag, daz er si  
 denne nâm.*

Wie nâch die maget alsô zart

Gemehelt von den priester wart  
 55 Jòsèph dem heiligen man,  
 Von dem ich vor gesuget hân,  
 Und gab ime dà bi  
 [47] Eines genandes zil mânôde dri  
 Und gebutten im daz er  
 (Und wolte er volgen ir ger)  
 Die magt dur enkein geschicht  
 1 Vor dem zil solte nemen nicht,  
 Noch kein wis berühren  
 Noch ze hûse fûeren.  
 Dô Jòsèph hôte daz gebot,  
 Er frôwte sich und lopte got  
 10 Und wart schiere in ein,  
 Daz er fuor hin wider hein  
 Ze Bêthleem in sin hûs  
 Und schuof dar inne und dar ûs  
 Mit gewerke und kouffe,  
 15 Daz er zuo dem brâtlouffe,  
 Den er haben wolte,  
 Bedorffe und haben sollte.

***Daz die êwarten Marian santen  
 ze Nazareth in ir vatter hûs und  
 mit ir siben megde ze einem ur-  
 kûnde ir reinen kiuscheit.***

Die êwarten wurden in ein,  
 Daz si Marian santin hein  
 20 Ze Nazareth in ir vatter hûs  
 Mit grössen êren, und alsus  
 Si santen mit ir dà hin  
 Siben kiusche megetin,  
 Die in dem gotzhûs mit ir  
 25 Ze Jérusalem dienden mit gir  
 Dem tempel unde gotte  
 [47b] Nâch der priester gebotte,

Und daz si trôsten dà bi  
 In irm niuwe leide si  
 30 Und ze einem urkûnde ir kiuscheit.  
 Und dô Maria die meit  
 Daz ûs erweltes gottes was  
 Hieme in ir vatter hûse was,  
 Si stalle all ir gemûete  
 35 Nâch gewonter gûete  
 Mit vasten wachen und mit gebet,  
 Und mit dem salter si verlet  
 Die geranden zit nach unde tag,  
 Daz ir für alle unmûezze wag.  
 40 Ouch waz trachte unde ir gering  
 Ôf die hiemelschen ding,  
 Ald si wurchte mit der hant  
 Ald si hâtte sich gewant.

***Daz die engel stâtlich ze der meg-  
 de Marien kâmen, und von dem  
 engel, der ir bi dem brunnen er-  
 scheine.***

Das edel ûs erwelte was  
 45 Maria gewennet was,  
 Daz die engel dikke si  
 Gesâhen und getrôsten dà bi.  
 Nu gieng die maget an einem tage  
 Von Nasareth von gewære sage,  
 50 Und gieng mit ir der megde schar,  
 Die von Jérusalem alle dar  
 [48] Mit ir wârent gesant  
 Unde gottes dienst benant.  
 Nu waz ein brunne dà bi,  
 Zuo dem bekâment sament si.  
 55 Des brunnen mit steter phlege  
 Dio burger spulchen alle wege.  
 Nu gieng die maget wolgetân

Von den andern hin dan  
 An ir heimlich gebett,  
 10 Daz si ze gotte wunder tett.  
 Dô kam ein engel alleine,  
 Des anlût vil schöne erscheine,  
 Danne des liechten sunnen schin,  
 Und stuond für daz megedin.  
 15 Er sprach: Maria, fröwe dich,  
 Wan sêlig bistu sicherlich,  
 Und wirt din gesegnoter lip  
 Erhæhet gar für älli wip.  
 Fröwe dich der reinen tât,  
 20 Daz dir der geschaffen hât.  
 Alle die welt ist dir worden holt  
 Durch dinen kiuschrichen solt.  
 Fröwe dich, daz dinen antheis  
 Got hât enphangen und in weis  
 25 Und er dich sêezzen reine  
 Minnet alters eine.  
 Fröw dich, wan der hōhe man,  
 Der himel und erde richten kan,  
 Sich hât zuo dir gesellet  
 30 Und ze einer briute erwellet.  
 Fröwe dich, daz du ein künigin  
 [48<sup>b</sup>] Süllest aller der welte sin  
 Und ein herscherin vil gar  
 Über aller engel schar.  
 35 Fröwe dich, meres sterne,  
 Du wirst der welt lucerne  
 Und erhæhet undnen und obne  
 Mit dem ewenklichen lobe.  
 Fröwe dich, wan daz geslechte din  
 40 Sol erhæhet von dir sin,  
 Und daz Dâvides rich' dar dich

Wider brâcht wirt sicherlich.  
 Fröwe dich, der menscheit  
 Unheil wirt von dir hin geleit,  
 45 Und daz durch dich der engel val  
 Wider brâcht wirt über al.  
 Fröwe dich, frōnes megetin,  
 Daz du wirst ein behalterin  
 Der sunder und ein hûs der flucht  
 50 Aller armen mit genucht.  
 Fröwe dich, frowe, der geschicht,  
 Daz dû, des heiles zuoversicht,  
 Wirst aller der verzweifellen hant  
 Und der lidende phant.  
 55 Fröwe dich, daz din triuwe  
 Moyses ê tuot niuwe,  
 Und daz dû gewinnest dank  
 Der niuwen gnâde âne wank.  
 Fröwe dich, daz wip unde man  
 60 Dine gnâd werdent rüeffen an,  
 Und wirt der nam dir ûf geleit  
 Muoter der erbarmherzekeit.  
 Fröw dich, sêlig, fröw dich, reine,  
 [49<sup>f</sup>] Fröw dich, alles wandels eine,  
 Der hêchste kûnig minnet dich.  
 Maria, fröw dich ewenklich!  
 Mit disen worten all ze hant  
 5 Vor ir der engel verswant.  
 Und dô der engel verswein,  
 Die maget kërte wider hein  
 Mit ir gespiln der megde schar,  
 Die mit ir wâren komen dar.

*Hie nimmet daz êrste buoch von der  
 magt Marian lebene ein ende.*



Schließlich habe ich noch Druckfehler anzuführen und füge dazu Beiträge zur Erläuterung, sowie Vorschläge zur Verbesserung des Textes, die ich zum Theil den Herren Bibliothekar Dr. F. Pfeiffer und Dr. B. Holland verdanke.

2, 44 ? herhaft. Bgl. 10, 23.  
 5, 35 ? Loblich sage. — Raß 3. 43 ? des ersten buches.  
 4, 9 ? ir libes. — 20 ? gebiurschen Pfeiffer. Bgl. Primbr. 767. — 52 ? vil. — 53 Iles iuwerm lobe.  
 5, 4 ? bestütze P. — 11 ? V. rimes P. — 35 ? diende in mit f. P. — 51 I. enwiderstrit. Bgl. 6, 54. Triflan 16897.  
 6, 1 ? erboren Holland. — 22 sis P. — 29 ? triuwe zu tilgen. ? an zu tilgen P. — 46 ? sihe oder gihe: sihe P. — 47 I. an v. — 54 ? teil behielten P.  
 7, 1 I. gebar. — 2 Bgl. 9, 53. — 9 ? Ze Salamonis tempel. ? Ze dem tempel S. 19, 12. — 25 ? komen. — 46 ? erbarmkeit. Bgl. 8, 43 P.  
 8, 19 ? Und kestegote statenlich Mit. Bgl. 10, 31. — 25 ? Er het. — 26 ? selten wort. — 33 ? ersähen, das Ir P. — 38 ? Deheiner. ? Kleiner. — 45 ? in in P.  
 9, 33 Bgl. 7, 2. — 43 ? Entwenet wirt P. Bgl. 19, 4 P.  
 10, 6 ? slege P. ? flecke. Bgl. 18, 49. — muoz im P. — 57 ? leides P.  
 11, 4 I. einen. — 49 ? erkannt. — 51 ? der P.  
 12, 23 ? nüt. — 50 ? giht. — 51 ? ercätüre. — 50 I. ein. — 54 Bgl. 13, 10. 13. B. Badernagel's Erseb. Ib 455, 38.  
 13, 6 ? wirt. — 10 Bgl. 13. ? Anvābende. — 41 ? an. — 42 Bgl. 130, 32 Dis ist gottes

lamb für war, Daz aller der welte sünde gar Hin nimet unde taset Und von sünden leszet. — 52 ? ai.  
 14, 2 ? Kindes. — 43 ? dinge. — 14 I. si. — 17 ? im P. — 54 ? gesetzte der c. ? gesetzte c.  
 15, 4 ? beham.  
 16, 5 ? Umb des selde ex P. — 21 ? sinen. — 42 ? eingesetzt. ? nature in gesetzt. — 48 I. gegert, Dis. —  
 17, 17 ? geschüefe. Bgl. 43, 43. — 43 ? ir und. — 44 ? sich P. — 48 ? Als in d. P. — 49 ? hiez P.  
 18, 3 Bgl. 24, 13. 48, 13. — 5 ? Sö. ? Daz. — 8 ? Geborn wart, als. — 25 ? Dö. — 56 I. Si. — 52 ? Ald P. — 53 Bgl. Greibant 104, 20. P. Walliser von der Begew. 23, 32.  
 53, 27. — 57 ? agen.  
 19, 11 ? fromen. Bgl. 21, 20, 46. — 12 Bgl. 7, 9. — 45 grate Bgl. 22, 248b Won von in der selbe knabe Wart übers tempels grate ab Geworfen, dar zuo sluogen in. — 38 ? jähren P.  
 20, 2 ? brēhten P. — 5 ? beuulhen P. — 8 I. an Dar. — 9 I. geleit. Mit. — 15 ? dieneit P. — 17 ? liezen P. — 35 ? edele. — 37 ? reine. — 43. ? Lörten P. — 44 ? sin Dirren wilden welte. Sunder ruomes melde P. Bgl. zu 36, 36. — 54 I. slecht. Den.  
 21, 6 ? senfter. — 17 ? Ein. — 49 ? Untugentlicher. — Raß 25 I. sibenzjerrig. In den

Überschriften konnte aus Mangel an Typen *æ* *α* von *ä* *ο* nicht unterschieden werden. — 50 ? inholden. — 32 Bgl. Ruofter 1900. Graf Ruodolf b 49. — 47 Umb P.

22, 1 ? iender. — 18 ? durchsiret P. ? durchsiret. Trifftan 16716. — 46 ? möre. — 47 ? Furbaz. — 48 ? Die solden. — 51 ? Und solden den ein.

23, 6 ? lerne. — 7 ? den r. — 9 ? si sich. — 25 ? Moyseses P. 53, 33. 36, 43. 37, 8. 48, 46, 12. — 36 ? vernomen. — 41 ? minne. — 46 l. anbekan. Allen.

24, 16 ? massenie. — 37 ? Und si was. ? Und was. — 51 ? in ir P.

25, 1 ? lobe si. — 18 ? in r. — 29 ? man diu ze P. — 57 ? aller a.

26, 10 ? wite si a. P. — 16 ? Die P. — 21 ? wunsches P. — 24 ? unreinheite P. — 27 Bgl. 27, 25. Ranziet 7121, 8125. — Nach 51 fehlt eine Zeile P. — 53 ? jach P. — 56 Der Schreiber seht erst lengi, beßert aber dann nach dem Reim. Daber ? groeze. — 43 ? Masse P. — 44 minnerliche P. — 46 l. hüselen. Bgl. 27, 31. Gerfard 1683 P.

27, 9 ? ex P. — 24 Bgl. 31, 14. Bad. Ib 456, 29. Or. 1b, 450. — 25 Bgl. 26, 27. — 29 ? trite Gar nâch hoflichem site P. — 35 Bgl. Bad. Ib 505, 6 P. — 45 ? Al. 49 ? senfte.

28, 5 ? alle P. — 9 ? meit. — 10 überhuop P. — 14 ? ware dort. — 16 Bgl. 32, 28. Bad. Ib 611, 28. — 20 l. si. — 27 ? Den fromen noch. — 30 ? sin werk. — 39 ? ie P. — 57 ? verlässentlichen P. — 59 ? fuogte sich P. — 60 ? sia P.

29, 10 ? helden P. ? holden. — 22 ? mite: erbærem site. — 30 ? Wan das reine. — 51 ? unniæez P. — 33 ? gedank P. — 40 ? kust. — 45 l. ze werke. — 46 ? si nie P. ? si verlie.

30, 1 ? schone cleit P. — 17 ? noch jungen P. — 28 ? diensthafter P. — 30 ? Krämes gewinne P. — 34 ? Swâ an ir was P. ? Swâ an in was P. ? Swas an ir was ungesitte. Und P.

? Swas an in was ungesitte. Und P. — 42 Hauptis Zeilsfr. 1, 36. — 57 ? Erbarinig P. — 59 ? früen P.

31, 1 l. ungemach. Mit. — 15 ? tohte. — 42 Nach nam Punct! — 56 ? züchtlicher.

32, 5 ? kürzen die stunden P. — 17 Nach ir Komma! — 18 ? tet als P. ? tet dar. ? dis. — 26 Nach schlecht Komma! — 53 wart zu tilgen P. — 37 l. ougen. Und. — 43 ? si stete: hôte. ? si. — 45 ? ir gruoze P. — 62 ? die erwarten P.

35, 2 ? minneten. — 17 ? Durch P. ? Dur P. Bgl. 52, 5. 30, 61. — 35 ? vor genante P. — 36 ? ir êren P. — 39 l. Snelch. Bgl. 54. — 40 ? erwarb. Und P. — 48 Bgl. 57, 30. 47, 40.

34, 11 l. fruio Der. — 12 l. gegert. Noch. — 17 ? Sam P. ? Und P. — 28 ? Dâ P. — 29 ? Dâ P. — 30 ? Dâ P. — 43 ? Dich ze P.

35, 2 ? und aufsetzen der P. — 4 ? ruohte P. — 50 ? minern. — 56 Pf. tret oder cret. ? treit. Bgl. 22, 16. 44, 28.

56, 5 ? fröudeheriu P. — 12 ? singent. Dâ P. — 34 ? Ze. ? minnen gestaltel P. — 56 ? Unverswâchet P. w und m auch sonst verwechselt. Bgl. 20, 46. — 40 ? welle man. ? welle des man P. — 41 ? dem P. — 42 ? Antheiz. Bgl. 46. 48, 23. Umgekehrt ei für ie 41, 2.

57, 8 ? uns Moyseses gebot P. Bgl. zu 25, 25. — 15 ? Der P. — 18 Bgl. Freibank 48, 3. 25, 5 P. — 50 Bgl. 35, 48. — 46 ? heiniu P. — 48 Bgl. zu 25, 25. — 53 ? er der andern P.

58, 9 ? ers P. — 25 Bad. Ib 450, 13. 453, 23. — 28 ? ouge P. — 30 ? mit disem P. — 51 ? Unser è P. — 52 ? recht umb P. ? si. — 59 ? der. — 55 ? Ze dem tempel komen solden.

39, 11 ? uf der der P. ? uf ir der P. — 12 ? zeichenes. Bgl. 42, 31. — 24 ? karmen P. — 55 ? Und dô dis P. — 59 ? warte. ? tage; Noch. — 40 ? nâch sage. — 46 ? Das io. — 47 ? ne.

40, 10 ? nam zer è P. — 15 ? rechtekeit P.

— 22 ? Worte und werke  $\mathfrak{P}$ . — 29 ? Quotes. —  
31 ? erhäre  $\mathfrak{P}$ . — 42 ? er sich  $\mathfrak{P}$ . — 45 ? Allen  
er  $\mathfrak{P}$ . — 50 ? triere  $\mathfrak{P}$ . — 51 ? si: bi. — 52  
? enbunde  $\mathfrak{P}$ . — 54  $\mathfrak{R}$ ach war  $\mathfrak{P}$ unct!  $\mathfrak{P}$ . —  
55 ? was er miltekeit  $\mathfrak{P}$ .

41, 1 I. wachte Sines. — 2 ? erwachie;  
Und  $\mathfrak{P}$ . — 5 ? gehiez  $\mathfrak{P}$ . Bgl. 36, 46.  $\mathfrak{R}$ ach  
gehies  $\mathfrak{L}$ omma! — 7 ? Und sines  $\mathfrak{P}$ . — 27 ? sin  
 $\mathfrak{P}$ . — 32  $\mathfrak{m}$ ach tät  $\mathfrak{P}$ unct!  $\mathfrak{P}$ . — 46  $\mathfrak{m}$ ach gewäre  
 $\mathfrak{P}$ unct!  $\mathfrak{P}$ . — 47 ? kündekeit Er ze aller zit  
gemeit. Grimm  $\mathfrak{P}$ . — 60 ? hate. — 52 I. vär.

42, 1 ? den  $\mathfrak{P}$ . — 6 ? wurden gesant. —  
18 ? bar  $\mathfrak{P}$ . — 20 ? und bl.  $\mathfrak{P}$ . — 25 ? wise  
wart. — 31 ? zeichenes, daz. — 32 ? begunden.  
— 34 bän. Sit  $\mathfrak{P}$ . — 49 ? werde ze  $\mathfrak{P}$ . — 50  
? sin  $\mathfrak{P}$ . — 52 ende: Wan  $\mathfrak{P}$ . — 57 I. gebutten.

43, 19 ? Ze wäre ungemässe  $\mathfrak{P}$ . — 25 ? al-  
ters  $\mathfrak{P}$ . — 27 ? tugent  $\mathfrak{P}$ . — 38 ? dö  $\mathfrak{P}$ . —  
40 ? von döer. — 43 ? schüefe. 47, 47. ? üz  
siner. — 55 ? und uns  $\mathfrak{P}$ . — 57 ? Fleisches.  
? enziehen  $\mathfrak{P}$ .

44, 2 geluste. Sus  $\mathfrak{P}$ . — 3 ? Sus bin  $\mathfrak{P}$ . —  
11 I. ungebürde. — 15 ? trinkamer  $\mathfrak{P}$ . — 28 I.  
si. — 33 ? Daz ebräische. ? Der ebräischen  
riche Wirde sicherliche  $\mathfrak{P}$ . ? Die ebräischen  $\mathfrak{P}$ .

45, 5 ? ruofte got. — 7 ? R. über  $\mathfrak{P}$ . —  
12 ? kiuscher. — 17 ? ich ie  $\mathfrak{P}$ . — 27 ? Wö.  
— 32 ? Ruoehe durch  $\mathfrak{P}$ . Bgl. 7. — 33 ? Wen-  
den  $\mathfrak{P}$ . — 43 ? herzen  $\mathfrak{P}$ .

46, 3 inrichen  $\mathfrak{S}$ chint in der  $\mathfrak{P}$ f. selbst in  
inren verberfert. — 9 Bgl. 47. — 12 ? ruochest  
 $\mathfrak{P}$ . Bgl. 50. — 20 ? dir machen  $\mathfrak{P}$ . — 28 ? Moy-  
seses  $\mathfrak{P}$ . Bgl. zu 23, 25. — 47 ? ain  $\mathfrak{P}$ . ? din  
 $\mathfrak{P}$ . — 49 Bgl. 11—14. Hier sind diese Zeilen  
wohl zu tilgen. — 54 ? priestern  $\mathfrak{P}$ . — 57 ? gä-  
ben  $\mathfrak{P}$ .

47, 4 ? Ein  $\mathfrak{P}$ . — 52 ? erwelte. 44. — 53  
? Heime  $\mathfrak{P}$ . — 38 ? genanden. ? nacht  $\mathfrak{P}$ . — 40  
? ir trachte. gering 55, 48. — 41 ? himelischen.  
— 43 ? Als  $\mathfrak{P}$ . ? näte  $\mathfrak{P}$ . — 49 ? Nazarëth.  
? gewärer.

48, 6 Rationalbibliothek 3, 238 b. Hoffmanns  
Iter austriac. 48. — 10 ? iemer  $\mathfrak{P}$ . ? sunder  $\mathfrak{P}$ .  
Ulrich von Riechten. 394, 19. — 11 ? allein  $\mathfrak{P}$ .  
— 12 ? schaner schein. — 19 ? dich got. —  
21 ? Al  $\mathfrak{P}$ . — 29 ? geselt: erwelt  $\mathfrak{P}$ . — 35 Wad.  
1b 196, 17. 273, 13 f. — 54 ? lidenden. —  
62 ? erbarmkeit  $\mathfrak{P}$ .













